

कृष्ण यजुर्वेदीय तैत्तिरीय संहिता, पद, जटा, घन पाठः

7.4 सप्तमकाण्डे चतुर्थः प्रश्नः - सत्रकर्मनिरूपणं

Contents

1	TS 7.4.1.1	5
2	TS 7.4.1.2	6
3	TS 7.4.1.3	7
4	TS 7.4.2.1	8
5	TS 7.4.2.2	9
6	TS 7.4.2.3	10
7	TS 7.4.2.4	11
8	TS 7.4.2.5	12
9	TS 7.4.3.1	13
10	TS 7.4.3.2	14
11	TS 7.4.3.3	15
12	TS 7.4.3.4	16
13	TS 7.4.3.5	17

14	TS 7.4.3.6	18
15	TS 7.4.4.1	19
16	TS 7.4.4.2	20
17	TS 7.4.4.3	21
18	TS 7.4.5.1	22
19	TS 7.4.5.2	23
20	TS 7.4.5.3	24
21	TS 7.4.5.4	25
22	TS 7.4.6.1	26
23	TS 7.4.6.2	27
24	TS 7.4.6.3	28
25	TS 7.4.7.1	28
26	TS 7.4.7.2	29
27	TS 7.4.7.3	30

28	TS 7.4.8.1	31
29	TS 7.4.8.2	32
30	TS 7.4.8.3	33
31	TS 7.4.9.1	34
32	TS 7.4.10.1	35
33	TS 7.4.10.2	36
34	TS 7.4.11.1	37
35	TS 7.4.11.2	38
36	TS 7.4.11.3	39
37	TS 7.4.11.4	40
38	TS 7.4.12.1	41
39	TS 7.4.13.1	41
40	TS 7.4.14.1	42
41	TS 7.4.15.1	43

42	TS 7.4.16.1	44
43	TS 7.4.17.1	45
44	TS 7.4.17.2	46
45	TS 7.4.18.1	46
46	TS 7.4.18.2	47
47	TS 7.4.19.1	48
48	TS 7.4.19.2	49
49	TS 7.4.19.3	50
50	TS 7.4.19.4	51
51	TS 7.4.20.1	52
52	TS 7.4.21.1	53
53	TS 7.4.22.1	53

1 TS 7.4.1.1

TS 7.4.1.1

Samhita Paata

बृहस्पतिरकामयत् श्रन्मे देवा दधीरन् गच्छेयं पुरोधामिति स एतं चतुर्विंशतिरात्रमपश्यत् तमाऽह-
रत् तेनायजत् ततो वै तस्मै श्रद्देवा अदधतागच्छत् पुरोधां य एवं विद्वांसश्चतुर्विंशतिरात्रमासते
श्रद्भ्यो मनुष्या दधते गच्छन्ति पुरोधां ज्योतिर्गौरायुरिति त्र्यहा भवन्तीयं वाव ज्योतिरन्तरिक्षं
गौरसावायु - []

Pada Paata

बृहस्पतिः । अकामयत् । श्रत् । मे । देवाः । दधीरन् । गच्छेयम् । पुरोधामिति पुरः - धाम्
। इति । सः । एतम् । चतुर्विंशतिरात्रमिति चतुर्विंशति - रात्रम् । अपश्यत् । तम् । एति
। अहरत् । तेन । अयजत् । ततः । वै । तस्मै । श्रत् । देवाः । अदधत । अगच्छत्
। पुरोधामिति पुरः - धाम् । ये । एवम् । विद्वांसः । चतुर्विंशतिरात्रमिति चतुर्विंशति -
रात्रम् । आसते । श्रत् । एभ्यः । मनुष्याः । दधते । गच्छन्ति । पुरोधामिति पुरः-धाम्
। ज्योतिः । गौः । आयुः । इति । त्र्यहा इति त्रि - अहाः । भवन्ति । इयम् । वाव ।
ज्योतिः । अन्तरिक्षम् । गौः । असौ । आयुः ।

2 TS 7.4.1.2

TS 7.4.1.2

Samhita Paata

-रि॒माने॒व लो॒कान॒भ्यारो॑हन्त्यभि॒ पूर्वं॑ त्र्य॒हा भ॑वन्त्यभि॒पूर्वमे॒व सु॒वर्गं॑ लो॒कम॒भ्यारो॑हन्त्यस॒त्रं वा॑ ए॒तद्-
यद॑छन्दो॒मं यच्छ॑न्दो॒मा भव॑न्ति तेन॑ स॒त्रं दे॒वता॑ ए॒व पृ॒ष्ठैर॒व रु॒न्धते॑ प॒शूञ्छ॑न्दो॒मैरोजो॑ वै वी॒र्यं॑ पृ॒ष्ठानि॑
प॒शवः॑ छन्दो॒मा ओज॑स्ये॒व वी॒र्यं॑ प॒शुषु॑ प्र॒ति ति॒ष्ठन्ति॑ बृ॒हद्-र॒थन्त॒राभ्या॑ यन्ती॒यं वा॒व र॑थन्त॒रम॒सौ
बृ॒हदा॒भ्यामे॒व - []

Pada Paata

इ॒मान् । ए॒व । लो॒कान् । अ॒भ्यारो॑हन्तीत्य॒भि - आरो॑हन्ति । अ॒भि॒पूर्व॑मित्य॒भि - पूर्॒वम् । त्र्य॒हा
इति॑ त्रि - अ॒हाः । भ॒वन्ति॑ । अ॒भि॒पूर्व॑मित्य॒भि - पूर्॒वम् । ए॒व । सु॒वर्ग॑मिति॒ सु॒वः - ग॒म् । लो॒कम्
। अ॒भ्यारो॑हन्तीत्य॒भि - आरो॑हन्ति । अ॒स॒त्रम् । वै । ए॒तत् । यत् । अ॒छन्दो॑मित्य॒छन्दः॑-मम्
। यत् । छ॒न्दो॒मा इति॑ छ॒न्दः - माः । भ॒वन्ति॑ । तेन॑ । स॒त्रम् । दे॒वताः॑ । ए॒व । पृ॒ष्ठैः
। अ॒वेति॑ । रु॒न्धते॑ । प॒शून् । छ॒न्दो॒मैरिति॑ छ॒न्दः॑-मैः । ओज॑सि । वै । वी॒र्यम् । पृ॒ष्ठानि॑ ।
प॒शवः॑ । छ॒न्दो॒मा इति॑ छ॒न्दः - माः । ओज॑सि । ए॒व । वी॒र्यं॑ । प॒शुषु॑ । प्र॒तीति॑ । ति॒ष्ठन्ति॑
। बृ॒हद्-र॒थन्त॒राभ्या॑मिति॒ बृ॒हत् - र॒थन्त॒राभ्या॑म् । य॒न्ति॑ । इ॒यम् । वा॒व । र॒थन्त॒रमिति॑ र॒थं -
त॒रम् । अ॒सौ । बृ॒हत् । आ॒भ्याम् । ए॒व ।

3 TS 7.4.1.3

TS 7.4.1.3

Samhita Paata

यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति चतुर्विंशतिरात्रो भवति चतुर्विंशतिरर्द्धमासाः सँवत्सरः सँवत्सरः सुवर्गो लोकः सँवत्सर एव सुवर्गे लोके प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसं गायत्रियैव ब्रह्मवर्चसमं रुन्धते ऽतिरात्रावभितो भवतो ब्रह्मवर्चसस्य परिगृहीत्यै ॥

Pada Paata

यन्ति । अथो इति । अनयोः । एव । प्रतीति । तिष्ठन्ति । एते इति । वै । यज्ञस्य । अञ्जसायनी इत्यञ्जसा - अयनी । सुती इति । ताभ्याम् । एव । सुवर्गमिति सुवः - गम् । लोकम् । यन्ति । चतुर्विंशतिरात्र इति चतुर्विंशति - रात्रः । भवति । चतुर्विंशतिरिति चतुः - विंशतिः । अर्द्धमासा इत्यर्द्ध - मासाः । सँवत्सर इति सं - वत्सरः । सँवत्सर इति सं - वत्सरः । सुवर्ग इति सुवः - गः । लोकः । सँवत्सर इति सं - वत्सरे । एव । सुवर्ग इति सुवः - गे । लोके । प्रतीति । तिष्ठन्ति । अथो इति । चतुर्विंशत्यक्षरेति चतुर्विंशति - अक्षरा । गायत्री । गायत्री । ब्रह्मवर्चसमिति ब्रह्म - वर्चसम् । गायत्रिया । एव । ब्रह्मवर्चसमिति ब्रह्म - वर्चसम् । अवेति । रुन्धते । अतिरात्रावित्यति - रात्रौ । अभितः । भवतः । ब्रह्मवर्चसस्येति ब्रह्म - वर्चसस्य । परिगृहीत्या इति परि - गृहीत्यै ॥

4 TS 7.4.2.1

TS 7.4.2.1

Samhita Paata

यथा॑ वै म॑नुष्या॑ ए॒वं दे॒वा अ॒ग्रं आ॒सन् ते॑ऽकामय॑न्ताव॑र्तिं पा॒प्मानं॑ मृ॒त्युम॑प॒हत्य॑ दै॒वीः स॑ऽसदं॑
गच्छे॑मेति॒ त ए॒तं च॑तुर्विंशति॑रा॒त्र-म॑पश्यन् तमा॑ऽह॒रन् तेना॑यजन्त॒ ततो॑ वै तेऽव॑र्तिं पा॒प्मानं॑ मृ॒त्यु-
म॑प॒हत्य॑ दै॒वीः स॑ऽसदं॑मगच्छन्. य ए॒वं वि॒द्वाऽसं-श्च॑तुर्विंशति॑रा॒त्र-मा॒स॒तेऽव॑र्तिमे॒व पा॒प्मानं॑-मप॒हत्य॑
श्रियं॑ गच्छन्ति॒ श्रीः॒ हि म॑नुष्य॑स्य - []

Pada Paata

यथा॑ । वै । म॑नुष्याः । ए॒वम् । दे॒वाः । अ॒ग्रै । आ॒सन् । ते । अ॒काम॑यन्त॒ । अ॒व॑र्तिम्
। पा॒प्मानं॑म् । मृ॒त्युम् । अ॒प॒ह॒त्ये॒त्यप॑-ह॒त्यं । दै॒वीम् । स॑ऽसद॑मिति॒ सं - स॑दं॑ । ग॒च्छे॑म्
। इति॑ । ते । ए॒तम् । च॒तुर्विं॑शति॑रा॒त्रमि॑ति॒ चतुर्विं॑शति - रा॒त्रम् । अ॒प॒श्यन् । तम् ।
एति॑ । अ॒ह॒रन् । तेन॑ । अ॒य॒जन्त॒ । ततो॑ । वै । ते । अ॒व॑र्तिम् । पा॒प्मानं॑म् । मृ॒त्युम् ।
अ॒प॒ह॒त्ये॒त्यप॑- ह॒त्यं । दै॒वीम् । स॑ऽसद॑मिति॒ सं - स॑दं॑ । अ॒ग॒च्छन् । ये । ए॒वम् । वि॒द्वाऽसं॑ः
। च॒तुर्विं॑शति॑रा॒त्रमि॑ति॒ चतुर्विं॑शति - रा॒त्रम् । आ॒स॒ते । अ॒व॑र्तिम् । ए॒व । पा॒प्मानं॑म् ।
अ॒प॒ह॒त्ये॒त्यप॑- ह॒त्यं । श्रियं॑म् । ग॒च्छन्ति॒ । श्रीः॒ । हि । म॑नुष्य॑स्य ।

5 TS 7.4.2.2

TS 7.4.2.2

Samhita Paata

दैवी॑ स॒सज्ज्योति॑रतिरा॒त्रो भ॑वति सुव॒र्गस्य॑ लो॒कस्यानु॑ख्यात्यै पृ॒ष्ठ्यः षड॑हो भ॑वति षट् वा ऋ॒तवः॑ स॒व॒त्स॒रस्तं॑ मा॒सा अ॒र्द्धमा॒सा ऋ॒तवः॑ प्र॒विश्य॑ दैवी॑ स॒सद॑मगच्छन्. य ए॒वं वि॒द्वा॒सं॒श्चतु॑र्वि॒ंशति॑रा॒त्रमा॑सते स॒व॒त्स॒रमे॒व प्र॒विश्य॑ वस्य॑सी॒ स॒सद॑ गच्छन्ति त्रय॑स्त्रयस्त्रि॒ंशा अ॒वस्ता॑द्भवन्ति त्रय॑स्त्रयस्त्रि॒ंशाः प॒रस्ता॑त् त्रयस्त्रि॒ंशैरे॒वोभ॑यतो ऽव॑र्ति पा॒प्मानं॑मप॒हत्य॑ दैवी॑ स॒सद॑ म॒द्भ्यतो॑ - []

Pada Paata

दैवी॑ । स॒सदिति॑ सं - सत् । ज्योतिः॑ । अ॒तिरा॒त्र इत्य॑ति - रा॒त्रः । भ॑वति । सुव॒र्गस्येति॑ सुवः - गस्य॑ । लो॒कस्य॑ । अनु॑ख्यात्या॒ इत्यनु॑ - ख्या॒त्यै । पृ॒ष्ठ्यः । षड॑ह इति॑ षट् - अ॒हः । भ॑वति । षट् । वै । ऋ॒तवः॑ । स॒व॒त्स॒र इति॑ सं - व॒त्स॒रः । तम् । मा॒साः । अ॒र्द्धमा॒सा इत्य॑र्द्ध - मा॒साः । ऋ॒तवः॑ । प्र॒विश्येति॑ प्र - वि॒श्यं । दैवी॑म् । स॒सद॑मिति॑ सं - स॒दम् । अ॒गच्छ॑न् । ये । ए॒वम् । वि॒द्वा॒सः । च॒तुर्वि॒ंशति॑रा॒त्रमिति॑ चतुर्वि॒ंशति॑ - रा॒त्रम् । आ॑सते । स॒व॒त्स॒रमिति॑ सं - व॒त्स॒रम् । ए॒व । प्र॒विश्येति॑ प्र - वि॒श्यं । वस्य॑सीम् । स॒सद॑मिति॑ सं - स॒दम् । ग॒च्छन्ति॑ । त्रयः॑ । त्रय॑स्त्रि॒ंशा इति॑ त्रयः - त्रि॒ंशाः । अ॒वस्ता॑त् । भ॑वन्ति । त्रयः॑ । त्रय॑स्त्रि॒ंशा इति॑ त्रय - त्रि॒ंशाः । प॒रस्ता॑त् । त्रय॑स्त्रि॒ंशैरिति॑ त्रयः - त्रि॒ंशैः । ए॒व । उ॒भय॑तः । अ॒वर्ति॑म् । पा॒प्मानं॑म् । अ॒प॒हत्येत्य॑प - ह॒त्यं । दैवी॑म् । स॒सद॑मिति॑ सं - स॒दम् । म॒द्भ्यतोः॑ ।

6 TS 7.4.2.3

TS 7.4.2.3

Samhita Paata

गच्छन्ति पृष्ठानि हि दैवी सःसज्जामि वा एतत् कुर्वन्ति यत् त्रयस्त्रयस्त्रिंशा अन्वञ्चो मद्ध्येऽनिरुक्तो
भवति तेनाजाम्यूर्ध्वानि पृष्ठानि भवन्त्यूर्ध्वाः छन्दोमा उभाभ्यां रूपाभ्यां सुवर्गं लोकं यन्त्यसत्रं
वा एतद्यदछन्दोमं यच्छन्दोमा भवन्ति तेन सत्रं देवता एव पृष्ठैरव रुन्धते पशूञ्छन्दोमैरोजो वै
वीर्यं पृष्ठानि पशवः- []

Pada Paata

गच्छन्ति । पृष्ठानि । हि । दैवी । सःसदिति सं - सत् । जामि । वै । एतत् । कुर्वन्ति
। यत् । त्रयः । त्रयस्त्रिंशा इति त्रयः-त्रिंशाः । अन्वञ्चः । मद्ध्ये । अनिरुक्त इत्यनिः -
उक्तः । भवति । तेन । अजामि । ऊर्ध्वानि । पृष्ठानि । भवन्ति । ऊर्ध्वाः । छन्दोमा
इति छन्दः - माः । उभाभ्याम् । रूपाभ्याम् । सुवर्गमिति सुवः - गम् । लोकम् । यन्ति
। असत्रम् । वै । एतत् । यत् । अछन्दोममित्यछन्दः-मम् । यत् । छन्दोमा इति छन्दः-
माः । भवन्ति । तेन । सत्रम् । देवताः । एव । पृष्ठैः । अवेति । रुन्धते । पशून् ।
छन्दोमैरिति छन्दः - मैः । ओजः । वै । वीर्यम् । पृष्ठानि । पशवः ।

7 TS 7.4.2.4

TS 7.4.2.4

Samhita Paata

छन्दो॑मा ओज॑स्येव वी॒र्ये प॒शुषु॑ प्रति॑ तिष्ठन्ति॑ त्रय॑स्त्रयस्त्रि॒शा अ॒वस्ता॑द्भवन्ति॑ त्रय॑स्त्रयस्त्रि॒शाः
प॒रस्ता॑न्मद्ध्ये॑ पृ॒ष्ठान्युरो॑ वै त्रय॑स्त्रि॒शा आ॒त्मा पृ॒ष्ठान्या॒त्मन॑ ए॒व तद् यज॑मानाः शर्म॑ न ह्य॒न्तेऽना॑त्यै
बृह॑द्-रथ॒न्तरा॑भ्यां य॒न्ती॒यं वा॒व र॑थ॒न्तर॑मसौ बृह॑दा॒भ्यामे॒व य॒न्त्यथो॑ अ॒नयो॑रे॒व प्रति॑ तिष्ठन्त्ये॒ते वै
य॒ज्ञस्या॑ञ्जसाय॑नी सु॒ती ता॒भ्यामे॒व - []

Pada Paata

छन्दो॑मा इति॑ छन्दः - माः । ओज॑सि । ए॒व । वी॒र्ये । प॒शुषु॑ । प्रती॑ति । तिष्ठ॑न्ति । त्रयः॑
। त्रय॑स्त्रि॒शा इति॑ त्रयः - त्रि॒शाः । अ॒वस्ता॑त् । भ॒वन्ति॑ । त्रयः॑ । त्रय॑स्त्रि॒शा इति॑ त्रयः
- त्रि॒शाः । प॒रस्ता॑त् । मद्ध्ये॑ । पृ॒ष्ठानि॑ । उरः॑ । वै । त्रय॑स्त्रि॒शा इति॑ त्रयः - त्रि॒शाः
। आ॒त्मा । पृ॒ष्ठानि॑ । आ॒त्मन॑ । ए॒व । तत् । यज॑मानाः । शर्म॑ । न ह्य॒न्ते । अना॑त्यै ।
बृह॑द्-रथ॒न्तरा॑भ्यामिति॑ बृहत् - रथ॒न्तरा॑भ्याम् । य॒न्ती । इ॒यम् । वा॒व । रथ॒न्तर॑मिति॑ रथं - त॒रम्
। अ॒सौ । बृह॑त् । आ॒भ्याम् । ए॒व । य॒न्ति । अथो॑ इति॑ । अ॒नयोः॑ । ए॒व । प्रती॑ति । तिष्ठ॑-
न्ति । ए॒ते इति॑ । वै । य॒ज्ञस्य॑ । अ॒ञ्जसा॑य॒नी इत्य॑ञ्जसा - अ॒य॒नी । सु॒ती इति॑ । ता॒भ्याम् । ए॒व ।

8 TS 7.4.2.5

TS 7.4.2.5

Samhita Paata

सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ् षडहो भवति प्रत्यवरूढ्या अथो प्रतिष्ठित्या उभयोर्लोकयोर् ऋद्धोत् तिष्ठन्ति त्रिवृतोऽधि त्रिवृतमुप यन्ति स्तोमानाः संपत्त्यै प्रभवाय ज्योतिरग्निष्टोमो भवत्ययं वाव स क्षयोऽस्मादेव तेन क्षयात्न यन्ति चतुर्विंशतिरात्रो भवति चतुर्विंशतिरर्द्धमासाः संवत्सरः () संवत्सरः सुवर्गो लोकः संवत्सर एव सुवर्गे लोके प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसं गायत्रियैव ब्रह्मवर्चसमव रुन्धते ऽतिरात्रावभितो भवतो ब्रह्मवर्चसस्य परिगृहीत्यै ॥

Pada Paata

सुवर्गमिति सुवः - गम् । लोकम् । यन्ति । पराञ्चः । वै । एते । सुवर्गमिति सुवः-गम् । लोकम् । अभ्यारोहन्तीत्यभि - आरोहन्ति । ये । पराचीनानि । पृष्ठानि । उपयन्तीत्युप - यन्ति । प्रत्यङ् । षडह इति षट् - अहः । भवति । प्रत्यवरूढ्या इति प्रति - अवरूढ्यै । अथो इति । प्रतिष्ठित्या इति प्रति - स्थित्यै । उभयोः । लोकयोः । ऋद्धा । उदिति । तिष्ठन्ति । त्रिवृत इति त्रि - वृतः । अधीति । त्रिवृतमिति त्रि - वृतम् । उपेति । यन्ति । स्तोमानाम् । संपत्त्या इति सं - पत्त्यै । प्रभवायेति प्र - भवाय । ज्योतिः । अग्निष्टोम इत्यग्नि-स्तोमः । भवति । अयम् । वाव । सः । क्षयः । अस्मात् । एव । तेन । क्षयात् । न । यन्ति । चतुर्विंशतिरात्र इति चतुर्विंशति-रात्रः । भवति । चतुर्विंशतिरिति चतुः-विंशतिः । अर्द्धमासा इत्यर्द्ध - मासाः । संवत्सर इति सं - वत्सरः () । संवत्सर इति सं - वत्सरः । सुवर्ग इति सुवः - गः । लोकः । संवत्सर इति सं-वत्सरे । एव । सुवर्ग इति सुवः - गे । लोके । प्रतीति । तिष्ठन्ति । अथो

इति । चतुर्विंशत्यक्षरेति चतुर्विंशति- अक्षरा । गायत्री । गायत्री । ब्रह्मवर्चसमिति ब्रह्म - वर्च-
सम् । गायत्रिया । एव । ब्रह्मवर्चसमिति ब्रह्म - वर्चसम् । अवेति । रुन्धते । अतिरात्रावित्यति
- रात्रौ । अभितः । भवतः । ब्रह्मवर्चस्येति ब्रह्म - वर्चसस्य । परिगृहीत्या इति परि - गृहीत्यै ॥

9 TS 7.4.3.1

TS 7.4.3.1

Samhita Paata

ऋक्षा वा इयमलोमकाऽऽसीत् साऽकामयतौषधीभिर्वनस्पतिभिः प्र जायेयेति सैतास्त्रिंशतः रा-
त्रीपश्यत् ततो वा इयमोषधीभिर्वनस्पतिभिः प्राजायत ये प्रजाकामाः पशुकामाः स्युस्त एता
आसीरन् प्रैव जायन्ते प्रजया पशुभिरियं वा अक्षुद्ध्यत् सैतां विराजमपश्यत् तामात्मन् धित्वाऽन्ना-
द्यमवा रुन्धौषधी - []

Pada Paata

ऋक्षा । वा । इयम् । अलोमका । आसीत् । सा । अकामयत् । ओषधीभिरित्योषधि-भिः ।
वनस्पतिभिरिति वनस्पति-भिः । प्रेति । जायेय । इति । सा । एताः । त्रिंशतम् । रात्रीः
। अपश्यत् । ततः । वै । इयम् । ओषधीभिरित्योषधि - भिः । वनस्पतिभिरिति वनस्पति-
भिः । प्रेति । अजायत । ये । प्रजाकामा इति प्रजा - कामाः । पशुकामा इति पशु -
कामाः । स्युः । ते । एताः । आसीरन् । प्रेति । एव । जायन्ते । प्रजयेति प्र-जया ।
पशुभिरिति पशु-भिः । इयम् । वै । अक्षुद्ध्यत् । सा । एताम् । विराजमिति वि - राजम् । अ-
पश्यत् । ताम् । आत्मन् । धित्वा । अन्नाद्यमित्यन्न - अद्यम् । अवेति । अरुन्ध । ओषधीः ।

10 TS 7.4.3.2

TS 7.4.3.2

Samhita Paata

-र्वनस्पतीन् प्रजां पशून् तेनावर्द्धत सा जेमानं महिमानं-मगच्छद्य एवं विद्वांसं एता आसंते विराजं-
मेवाऽऽत्मन् धित्वाऽन्नाद्यमव रुन्धते वर्द्धन्ते प्रजयां पशुभिर्जेमानं महिमानं गच्छन्ति ज्योतिरतिरात्रो
भवति सुवर्गस्य लोकस्यानुख्यात्यै पृष्ठ्यः षडहो भवति षट् वा ऋतवः षट् पृष्ठानि पृष्ठैरेवर्तून्वा-
रोहन्त्यृतुभिः संवत्सरं ते संवत्सर एव - []

Pada Paata

वनस्पतीन् । प्रजामिति प्र - जाम् । पशून् । तेन । अवर्द्धत । सा । जेमानम् । महिमानम्
। अगच्छत् । ये । एवम् । विद्वांसः । एताः । आसंते । विराजमिति वि-राजम् । एव ।
आत्मन् । धित्वा । अन्नाद्यमित्यन्न - अद्यम् । अवेति । रुन्धते । वर्द्धन्ते । प्रजयेति प्र - जयां
। पशुभिरिति पशु - भिः । जेमानम् । महिमानम् । गच्छन्ति । ज्योतिः । अतिरात्र इत्यति
- रात्रः । भवति । सुवर्गस्येति सुवः - गस्य । लोकस्य । अनुख्यात्या इत्यनु - ख्यात्यै ।
पृष्ठ्यः । षडह इति षट् - अहः । भवति । षट् । वै । ऋतवः । षट् । पृष्ठानि । पृष्ठैः
। एव । ऋतून् । अन्वारोहन्तीत्यनु - आरोहन्ति । ऋतुभिरित्यृतु - भिः । संवत्सरमिति सं -
वत्सरम् । ते । संवत्सर इति सं - वत्सरे । एव ।

11 TS 7.4.3.3

TS 7.4.3.3

Samhita Paata

प्रति॑ तिष्ठन्ति त्रयस्त्रिं॒शात् त्रयस्त्रिं॒शमुप॑ यन्ति य॒ज्ञस्य॑ संत॑त्या अथो॑ प्र॒जाप॑तिर्वै त्रयस्त्रिं॒शः
प्र॒जाप॑तिमे॒वाऽऽ*र॑भन्ते प्रति॑ष्ठित्यै त्रिण॒वो भ॑वति विजि॑त्या एकविं॒शो भ॑वति प्रति॑ष्ठित्या अथो॑ रुच॑-
मे॒वाऽऽ*त्मन् द॑धते त्रिवृ॑दग्निष्टुद् भ॑वति पा॒प्मान॑मे॒व तेन॑ निर्द॑हन्तेऽथो॑ तेजो॒ वै त्रिवृ॑त् तेज॑ ए॒वाऽऽत्मन्
द॑धते पञ्चद॒श इन्द्र॑स्तोमो भ॑वतीन्द्रि॒यमे॒वाव॑ - []

Pada Paata

प्रती॑तिं । तिष्ठ॑न्ति । त्रय॑स्त्रिं॒शादिति॑ त्रयः - त्रिं॒शात् । त्रय॑स्त्रिं॒शमिति॑ त्रयः - त्रिं॒शम् ।
उपे॑तिं । यन्ति॑ । य॒ज्ञस्य॑ । संत॑त्या इति सं - त॒त्यै । अथो॑ इति॑ । प्र॒जाप॑तिरिति॑ प्र॒जा-प॑तिः
। वै । त्रय॑स्त्रिं॒श इति॑ त्रयः-त्रिं॒शः । प्र॒जाप॑तिमिति॑ प्र॒जा-प॑तिम् । ए॒व । एति॑ । रु॒भन्ते ।
प्रति॑ष्ठित्या इति॑ प्रति॑ - स्थि॒त्यै । त्रिण॒व इति॑ त्रि - न॒वः । भ॑वति । विजि॑त्या इति॑ वि - जि॒त्यै
। एक॑विं॒श इत्ये॑क - विं॒शः । भ॑वति । प्रति॑ष्ठित्या इति॑ प्रति॑ - स्थि॒त्यै । अथो॑ इति॑ ।
रुच॑म् । ए॒व । आ॒त्मन् । दुध॑ते । त्रिवृ॑दिति॑ त्रि - वृ॒त् । अ॒ग्निष्टु॑दित्याग्नि - स्तु॒त् । भ॑वति ।
पा॒प्मान॑म् । ए॒व । तेन॑ । निरि॑तिं । द॒हन्ते । अथो॑ इति॑ । तेजः॑ । वै । त्रिवृ॑दिति॑ त्रि-वृ॒त् ।
तेजः॑ । ए॒व । आ॒त्मन् । दुध॑ते । पञ्चद॒श इति॑ पञ्च - द॒शः । इन्द्र॑स्तोम इतीन्द्र॑ - स्तोमः ।
भ॑वति । इन्द्रि॒यम् । ए॒व । अवे॑ति ।

12 TS 7.4.3.4

TS 7.4.3.4

Samhita Paata

रुन्धते सप्तदशो भवत्यन्नाद्यस्या वरुद्ध्या अथो प्रैव तेन जायन्त एकविंशो भवति प्रतिष्ठित्या अथो रुचमेवाऽऽत्मन् दधते चतुर्विंशो भवति अतुर्विंशतिरर्द्धमासाः सँवथ्सुरः सँवथ्सुरः सुवर्गो लोकः सँवथ्सुर एव सुवर्गो लोके प्रति तिष्ठन्त्यथो एष वै विषूवान् विषूवन्तो भवन्ति य एवं विद्वांस एता आसन्ते चतुर्विंशात् पृष्ठान्युप यन्ति सँवथ्सुर एव प्रतिष्ठाय - []

Pada Paata

रुन्धते । सप्तदश इति सप्त - दशः । भवति । अन्नाद्यस्येत्यन्न- अद्यस्य । अवरुद्ध्या इत्यवरुद्ध्यै । अथो इति । प्रैति । एव । तेन । जायन्ते । एकविंश इत्येक - विंशः । भवति । प्रतिष्ठित्या इति प्रति - स्थित्यै । अथो इति । रुचम् । एव । आत्मन् । दधते । चतुर्विंश इति चतुः - विंशः । भवति । चतुर्विंशतिरिति चतुः - विंशतिः । अर्द्धमासा इत्यर्द्ध - मासाः । सँवथ्सुर इति सं - वथ्सुरः । सँवथ्सुर इति सं - वथ्सुरः । सुवर्ग इति सुवः - गः । लोकः । सँवथ्सुर इति सं - वथ्सुरे । एव । सुवर्ग इति सुवः - गे । लोके । प्रतीति । तिष्ठन्ति । अथो इति । एषः । वै । विषूवानिति विषु - वान् । विषूवन्त इति विषु - वन्तः । भवन्ति । ये । एवम् । विद्वांसः । एताः । आसन्ते । चतुर्विंशादिति चतुः - विंश- शात् । पृष्ठानि । उपेति । यन्ति । सँवथ्सुर इति सं - वथ्सुरे । एव । प्रतिष्ठायेति प्रति-स्थाय ।

13 TS 7.4.3.5

TS 7.4.3.5

Samhita Paata

देवता॑ अ॒भ्यारो॑हन्ति त्रयस्त्रि॑ंशात् त्रयस्त्रि॑ंशमुप॑ यन्ति त्रयस्त्रि॑ंशद्वै देवता॑ देवता॑स्वेव प्रति॑ तिष्ठन्ति
त्रिण॒वो भ॑वती॒मे वै लो॒कास्त्रि॑ण॒व ए॒ष्वेव लो॒केषु॑ प्रति॑ तिष्ठन्ति द्वावेकवि॑ंशौ भ॑वतुः प्रति॑ष्ठित्या
अथो॑ रुच॑मेवाऽऽत्मन् द॑धते ब॒हवः॑ षोड॒शिनो॑ भवन्ति तस्मा॑द् ब॒हवः॑ प्र॒जासु॑ वृषा॑णो यदे॒ते स्तोमा॑
व्यति॑षक्ता भ॑वन्ति तस्मा॑दिय -मोष॑धीभि॒र्वन॑स्पति॑भि॒र्व्यति॑षक्ता - []

Pada Paata

देवताः॑ । अ॒भ्यारो॑हन्तीत्य॑भि - आरो॑हन्ति । त्रय॑स्त्रि॑ंशादिति॑ त्रयः - त्रि॑ंशात् । त्रय॑स्त्रि॑ंशमिति॑
त्रय - त्रि॑ंशम् । उपेति॑ । यन्ति॑ । त्रय॑स्त्रि॑ंशदिति॑ त्रयः - त्रि॑ंशत् । वै । देवताः॑ । देवता॑सु
। ए॒व । प्रतीति॑ । तिष्ठ॑न्ति । त्रि॑ण॒व इति॑ त्रि - न॒वः । भ॑वति॑ । इ॒मे । वै । लो॒काः । त्रि॑ण॒व
इति॑ त्रि - न॒वः । ए॒षु । ए॒व । लो॒केषु॑ । प्रतीति॑ । तिष्ठ॑न्ति । द्वौ । एक॑वि॑ंशावित्येक -
वि॑ंशौ । भ॑वतुः । प्रति॑ष्ठित्या॒ इति॑ प्रति॑ - स्थि॒त्यै । अथो॑ इति॑ । रुच॑म् । ए॒व । आ॒त्मन् ।
दुध॑ते । ब॒हवः॑ । षोड॒शिनः॑ । भ॑वन्ति॑ । तस्मा॑त् । ब॒हवः॑ । प्र॒जास्विति॑ प्र - जासु॑ । वृषा॑णः
। यत् । ए॒ते । स्तोमाः॑ । व्यति॑षक्ता॒ इति॑ वि - अति॑षक्ताः । भ॑वन्ति॑ । तस्मा॑त् । इ॒यम्
। ओष॑धीभि॒रित्योष॑धि - भिः । वन॑स्पति॑भिरिति॑ वन॑स्पति॑ - भिः । व्यति॑षक्तेति॑ वि - अति॑षक्ता ।

14 TS 7.4.3.6

TS 7.4.3.6

Samhita Paata

व्यतिषज्यन्ते प्रजयां पशुभिर्य एवं विद्वांस एता आसते ऽक्लृप्ता वा एते सुवर्गं लोकं यन्त्युच्चावचान्
हि स्तोमानुपयन्ति यदेत ऊर्द्धाः कृप्ताः स्तोमा भवन्ति कृप्ता एव सुवर्गं लोकं यन्त्युभयोरेभ्यो
लोकयोः कल्पते त्रिंशदेतास्त्रिंशदक्षरा विराडन्नं विराड् विराजैवान्नाद्यमव रुन्धते ऽतिरात्रावभितो
भवतो ऽन्नाद्यस्य परिगृहीत्यै ॥

Pada Paata

व्यतिषज्यन्तु इति वि - अतिषज्यन्ते । प्रजयेति प्र - जयां । पशुभिरिति पशु - भिः । ये ।
एवम् । विद्वांसः । एताः । आसते । अक्लृप्ताः । वै । एते । सुवर्गमिति सुवः - गम् ।
लोकम् । यन्ति । उच्चावचान् । हि । स्तोमान् । उपयन्तीत्युप - यन्ति । यत् । एते ।
ऊर्द्धाः । कृप्ताः । स्तोमाः । भवन्ति । कृप्ताः । एव । सुवर्गमिति सुवः - गम् । लोकम् ।
यन्ति । उभयोः । एभ्यः । लोकयोः । कल्पते । त्रिंशत् । एताः । त्रिंशदक्षरेति त्रिंशत्
- अक्षरा । विराडिति वि - राट् । अन्नम् । विराडिति वि - राट् । विराजेति वि - राजां । एव
। अन्नाद्यमित्यन्न-अद्यम् । अवेति । रुन्धते । अतिरात्रावित्यति - रात्रौ । अभितः । भवतः ।
अन्नाद्यस्येत्यन्न - अद्यस्य । परिगृहीत्या इति परि - गृहीत्यै ॥

15 TS 7.4.4.1

TS 7.4.4.1

Samhita Paata

प्रजापतिः सुवर्गलोकमैत् तं देवा येनयेन छन्दसाऽनु प्रायुञ्जत तेन नाऽऽ*मुवन् त एता द्वात्रिंशत्
रात्रीरपश्यन् द्वात्रिंशदक्षरा ऽनुष्टुगा-नुष्टुभः प्रजापतिः स्वेनैव छन्दसा प्रजापति-मास्वा ऽभ्यारुह्य
सुवर्गलोकमायन्. य एवं विद्वांस एता आसन्ते द्वात्रिंशदेता द्वात्रिंशदक्षरा ऽनुष्टुगा-नुष्टुभः प्र-
जापतिः स्वेनैव छन्दसा प्रजापतिमास्वा श्रियं गच्छन्ति - []

Pada Paata

प्रजापतिरिति प्रजा - पतिः । सुवर्गमिति सुवः - गम् । लोकम् । ऐत् । तम् । देवाः ।
येनयेनेति येन - येन । छन्दसा । अनु । प्रेति । अयुञ्जत । तेन । न । आमुवन् । ते । एताः
। द्वात्रिंशत् । रात्रीः । अपश्यन् । द्वात्रिंशदक्षरेति द्वात्रिंशत् - अक्षरा । अनुष्टुगित्यनु
- स्तुक् । अनुष्टुभ इत्यानु - स्तुभः । प्रजापतिरिति प्रजा-पतिः । स्वेन । एव । छन्दसा ।
प्रजापतिमिति प्रजा - पतिम् । आस्वा । अभ्यारुह्येति अभि - आरुह्य । सुवर्गमिति सुवः - गम्
। लोकम् । आयन् । ये । एवम् । विद्वांसः । एताः । आसन्ते । द्वात्रिंशत् । एताः ।
द्वात्रिंशदक्षरेति द्वात्रिंशत् - अक्षरा । अनुष्टुगित्यनु - स्तुक् । अनुष्टुभ इत्यानु - स्तुभः ।
प्रजापतिरिति प्रजा-पतिः । स्वेन । एव । छन्दसा । प्रजापतिमिति प्रजा -पतिम् । आस्वा ।
श्रियम् । गच्छन्ति ।

16 TS 7.4.4.2

TS 7.4.4.2

Samhita Paata

श्रीर॒हि म॑नुष्य॑स्य सु॒वर्गो लो॒को द्वा॒त्रिंश॑दे॒ता द्वा॒त्रिंश॑दक्षरा-ऽनु॒ष्टुग्-वाग॑नु॒ष्टुफ् सर्वा॑मे॒व वाच॑माप्नु॒वन्ति॑ सर्वे॑ वा॒चो व॑दि॒तारो॑ भवन्ति॒ सर्वे॑ हि श्रियं॑ गच्छ॑न्ति॒ ज्योति॑र्गौरायु॒रिति॑ त्र्य॒हा भ॑वन्ती॒यं वाव॑ ज्योति॑र॒न्तरि॑क्षं गौर॒सावायु॑रि॒माने॑व लो॒कान् अ॒भ्यारो॑हन्त्यभिपूर्व॑ त्र्य॒हा भ॑वन्त्यभिपूर्वमे॒व सु॒वर्गं लो॒कम् अ॒भ्यारो॑हन्ति बृहद्-रथ॑न्त॒राभ्यां॑ यन्ती - []

Pada Paata

श्रीः । हि । म॒नुष्य॑स्य । सु॒वर्ग इति॑ सुवः-गः । लो॒कः । द्वा॒त्रिंशत् । ए॒ताः । द्वा॒त्रिंश॑दक्षरेति॒ द्वा॒त्रिंशत् - अ॒क्षरा॑ । अ॒नु॒ष्टुगि॑त्यनु - स्तुक् । वाक् । अ॒नु॒ष्टुबि॑त्यनु - स्तुप् । सर्वा॑म् । ए॒व । वाच॑म् । आ॒प्नु॒वन्ति॑ । सर्वे॑ । वा॒चः । व॑दि॒तारः । भ॒वन्ति॑ । सर्वे॑ । हि । श्रिय॑म् । गच्छ॑न्ति । ज्योतिः॑ । गौः । आयुः॑ । इति॑ । त्र्य॒हा इति॑ त्रि - अ॒हाः । भ॒वन्ति॑ । इ॒यम् । वाव॑ । ज्योतिः॑ । अ॒न्तरि॑क्षम् । गौः । अ॒सौ । आयुः॑ । इ॒मान् । ए॒व । लो॒कान् । अ॒भ्यारो॑हन्तीत्य॑भि - आरो॑हन्ति । अ॒भिपूर्व॑मित्य॑भि - पूर्वम् । त्र्य॒हा इति॑ त्रि-अ॒हाः । भ॒वन्ति॑ । अ॒भिपूर्व॑मित्य॑भि - पूर्वम् । ए॒व । सु॒वर्गमि॑ति॒ सुवः - गम् । लो॒कम् । अ॒भ्यारो॑हन्तीत्य॑भि-आरो॑हन्ति । बृहद्-रथ॑न्त॒राभ्यामि॑ति॒ बृहत् - रथ॑न्त॒राभ्याम् । यन्ति॑ ।

17 TS 7.4.4.3

TS 7.4.4.3

Samhita Paata

-यं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुती
ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचरुयहानुपयन्ति प्रत्यङ्
त्र्यहो भवति प्रत्यवरूढ्या अथो प्रतिष्ठित्या उभयोर्लोकयोरं ऋद्धोत् तिष्ठन्ति द्वात्रिंशदेतास्तासां
या स्त्रिंशत् त्रिंशदक्षरा () विराडन्नं विराड् विराजैवाऽन्नाद्यमव रुन्धते ये द्वे अहोरात्रे एव ते
उभाभ्यां रूपाभ्यां सुवर्गं लोकं यन्त्यतिरात्रावभितो भवतः परिगृहीत्यै ॥

Pada Paata

इयम् । वाव । रथन्तरमिति रथं - तरम् । असौ । बृहत् । आभ्याम् । एव । यन्ति ।
अथो इति । अनयोः । एव । प्रतीति । तिष्ठन्ति । एते इति । वै । यज्ञस्य । अञ्जसायनी
इत्यञ्जसा - अयनी । सुती इति । ताभ्याम् । एव । सुवर्गमिति सुवः - गम् । लोकम् । यन्ति
। पराञ्चः । वै । एते । सुवर्गमिति सुवः - गम् । लोकम् । अभ्यारोहन्तीत्यभि - आरोहन्ति
। ये । पराचः । त्र्यहानिति त्रि - अहान् । उपयन्तीत्युप - यन्ति । प्रत्यङ् । त्र्यहा इति त्रि
- अहः । भवति । प्रत्यवरूढ्या इति प्रति - अवरूढ्यै । अथो इति । प्रतिष्ठित्या इति प्रति -
स्थित्यै । उभयोः । लोकयोः । ऋद्धा । उदिति । तिष्ठन्ति । द्वात्रिंशत् । एताः । तासाम्
। याः । त्रिंशत् । त्रिंशदक्षरेति त्रिंशत् - अक्षरा () । विराडिति वि - राट् । अन्नम् ।
विराडिति वि - राट् । विराजिति वि - राजा । एव । अन्नाद्यमित्यन्न - अद्यम् । अवेति । रुन्धते
। ये इति । द्वे इति । अहोरात्रे इत्यहः - रात्रे । एव । ते इति । उभाभ्याम् । रूपाभ्याम् ।
सुवर्गमिति सुवः - गम् । लोकम् । यन्ति । अतिरात्रावित्यति - रात्रौ । अभितः । भवतः ।

परिगृहीत्या इति परि - गृहीत्यै ॥

18 TS 7.4.5.1

TS 7.4.5.1

Samhita Paata

द्वे वाव देवसुत्रे द्वादशाहश्चैव त्रयस्त्रिंशदुहश्च य एवं विद्वांसंस्त्रयस्त्रिंशदुहमासंते साक्षादेव देवतां
अभ्यारोहन्ति यथा खलु वै श्रेयान् अभ्यारूढः कामयन्ते तथा करोति यद्यवविद्ध्यति पापीयान् भवति
यदि नावविद्ध्यति सदृङ् य एवं विद्वांसंस्त्रयस्त्रिंशदुहमासंते वि पाप्मना भ्रातृव्येणाऽऽ* वर्तन्ते
ऽहर्भाजो वा एता देवा अग्र आऽहर - []

Pada Paata

द्वे इति । वाव । देवसुत्रे इति देव - सुत्रे । द्वादशाह इति द्वादश-अहः । च । एव ।
त्रयस्त्रिंशदुह इति त्रयस्त्रिंशत्-अहः । च । ये । एवम् । विद्वांसः । त्रयस्त्रिंशदुहमिति
त्रयस्त्रिंशत्-अहम् । आसंते । साक्षादिति स - आक्षात् । एव । देवताः । अभ्यारोहन्ती-
त्यभि - आरोहन्ति । यथा । खलु । वै । श्रेयान् । अभ्यारूढ इत्यभि - आरूढः ।
कामयन्ते । तथा । करोति । यदि । अवविद्ध्यतीत्यव - विद्ध्यति । पापीयान् । भवति ।
यदि । न । अवविद्ध्यतीत्यव - विद्ध्यति । सदृङ् इति स - दृङ् । ये । एवम् । विद्वा-
ंसः । त्रयस्त्रिंशदुहमिति त्रयस्त्रिंशत् - अहम् । आसंते । वीति । पाप्मना । भ्रातृव्येण
। एति । वर्तन्ते । अहर्भाज इत्यहः - भाजः । वै । एताः । देवाः । अग्रै । एति । अहरन् ।

19 TS 7.4.5.2

TS 7.4.5.2

Samhita Paata

-अहरेको ऽभजता-हरेकस्ताभिर्वैते प्रबाहुगार्द्धवन्. य एवं विद्वांसस्त्रयस्त्रिंशदहमासंते सर्व एव प्र-
बाहुगृद्धवन्ति सर्वे ग्रामणीयं प्राप्नुवन्ति पञ्चाहा भवन्ति पञ्च वा ऋतवः सँवत्सर ऋतुष्वेव सँवत्सरे
प्रति तिष्ठन्त्यथो पञ्चाक्षरा पङ्क्तिः पाङ्क्तो यज्ञो यज्ञमेवाव रुन्धते त्रीण्याँश्चिनानि भवन्ति त्रय इमे लोका
ए- []

Pada Paata

अहः । एकः । अभजत । अहः । एकः । ताभिः । वै । ते । प्रबाहुगिति प्र - बाहुक् ।
आर्द्धवन् । ये । एवम् । विद्वांसः । त्रयस्त्रिंशदहमिति त्रयस्त्रिंशत् - अहम् । आसंते ।
सर्वे । एव । प्रबाहुगिति प्र - बाहुक् । ऋद्धवन्ति । सर्वे । ग्रामणीयमिति ग्राम - नीयम् ।
प्रेति । आप्नुवन्ति । पञ्चाहा इति पञ्च-अहाः । भवन्ति । पञ्च । वै । ऋतवः । सँवत्सर इति
सं - वत्सरः । ऋतुषु । एव । सँवत्सर इति सं-वत्सरे । प्रतीति । तिष्ठन्ति । अथो इति ।
पञ्चाक्षरेति पञ्च-अक्षरा । पङ्क्तिः । पाङ्क्तः । यज्ञः । यज्ञम् । एव । अवेति । रुन्धते । त्रीणि
। आश्चिनानि । भवन्ति । त्रयः । इमे । लोकाः । एषु ।

20 TS 7.4.5.3

TS 7.4.5.3

Samhita Paata

-ष्वेव लोकेषु प्रति तिष्ठन्त्यथो त्रीणि वै यज्ञस्येन्द्रियाणि तान्येवाव रुन्धते विश्वजिद्-भवत्यन्नाद्यस्या
वरुद्ध्यै सर्वपृष्ठो भवति सर्वस्याभिजित्यै वाग्वै द्वादशाहो यत् पुरस्ताद् द्वादशाह-मुपेयुरनांतां वाच-
मुपेयु-रुपदासुकैषां वाक् स्या-दुपरिष्ठाद् द्वादशाहमुप यन्त्याप्तामेव वाचमुप यन्ति तस्मा-दुपरिष्ठाद्-
वाचा वदामो ऽवान्तरं - []

Pada Paata

एव । लोकेषु । प्रतीति । तिष्ठन्ति । अथो इति । त्रीणि । वै । यज्ञस्य । इन्द्रियाणि । तानि
। एव । अवेति । रुन्धते । विश्वजिदिति विश्व - जित् । भवति । अन्नाद्यस्येत्यन्न - अद्यस्य ।
अवरुद्ध्या इत्यव - रुद्ध्यै । सर्वपृष्ठ इति सर्व - पृष्ठः । भवति । सर्वस्य । अभिजित्या इत्यभि
- जित्यै । वाक् । वै । द्वादशाह इति द्वादश - अहः । यत् । पुरस्तात् । द्वादशाहमिति
द्वादश - अहम् । उपेयुरित्युप-इयुः । अनांताम् । वाचम् । उपेति । इयुः । उपदासुकैत्युप
- दासुका । एषाम् । वाक् । स्यात् । उपरिष्ठात् । द्वादशाहमिति द्वादश - अहम् । उपेति
। यन्ति । आप्ताम् । एव । वाचम् । उपेति । यन्ति । तस्मात् । उपरिष्ठात् । वाचा ।
वदामः । अवान्तरमित्यव - अन्तरम् ।

21 TS 7.4.5.4

TS 7.4.5.4

Samhita Paata

वै दशरात्रेण प्रजापतिः प्रजा असृजत् यद्-दशरात्रो भवति प्रजा एव तद् यजमानाः सृजन्त एताः
 ह वा उदुङ्कः शौल्बायनः सत्रस्यर्द्धिमुवाच यद् दशरात्रो यद् दशरात्रो भवति सत्रस्यर्द्ध्या अथो
 यदेव पूर्वेष्वहस्सु विलोम क्रियते तस्यैवैषा शान्तिर्द्रव्यनीका वा एता रात्रयो यजमाना विश्वजिथ
 सहातिरात्रेण पूर्वाः षोडश सहा () तिरात्रेणोत्तराः षोडश य एवं विद्वांसंस्त्रयस्त्रिंशदुहमासं
 एषां द्व्यनीका प्रजा जायते अतिरात्रावभितो भवतुः परिगृहीत्यै ॥

Pada Paata

वै । दशरात्रेणेति दश - रात्रेण । प्रजापतिरिति प्रजा - पतिः । प्रजा इति प्र - जाः । असृजत्
 । यत् । दशरात्र इति दश - रात्रः । भवति । प्रजा इति प्र - जाः । एव । तत् । यजमानाः
 । सृजन्ते । एताम् । ह । वै । उदुङ्कः । शौल्बायनः । सत्रस्य । ऋद्धिम् । उवाच । यत्
 । दशरात्र इति दश - रात्रः । यत् । दशरात्र इति दश - रात्रः । भवति । सत्रस्य । ऋद्ध्यै
 । अथो इति । यत् । एव । पूर्वेषु । अहस्स्वित्यहः - सु । विलोमेति वि - लोम् । क्रियते
 । तस्य । एव । एषा । शान्तिः । द्व्यनीका इति द्वि - अनीकाः । वै । एताः । रात्रयः ।
 यजमानाः । विश्वजिदिति विश्व - जित् । सहा । अतिरात्रेणेत्यति - रात्रेण । पूर्वाः । षोडश
 । सहा () । अतिरात्रेणेत्यति - रात्रेण । उत्तरा इत्युत् - तराः । षोडश । ये । एवम् ।
 विद्वांसः । त्रयस्त्रिंशदुहमिति त्रयस्त्रिंशत् - अहम् । आसते । एति । एषाम् । द्व्यनीकेति
 द्वि - अनीका । प्रजेति प्र - जा । जायते । अतिरात्रावित्यति - रात्रौ । अभितः । भवतुः ।
 परिगृहीत्या इति परि - गृहीत्यै ॥

22 TS 7.4.6.1

TS 7.4.6.1

Samhita Paata

आदित्या अकामयन्त सुवर्गं लोकमियामेति ते सुवर्गं लोकं न प्राजानन् सुवर्गं लोकमायन् त एतः
षट्त्रिंशद्रात्र-मपश्यन् तमाऽहरन् तेनायजन्त ततो वै ते सुवर्गं लोकं प्राजानन् सुवर्गं लोकमायन्.
य एवं विद्वांसः षट्त्रिंशद् रात्रमासते सुवर्गमेव लोकं प्र जानन्ति सुवर्गं लोकं यन्ति ज्योतिरतिरात्रो
- []

Pada Paata

आदित्याः । अकामयन्त । सुवर्गमिति सुवः - गम् । लोकम् । इयाम् । इति । ते ।
सुवर्गमिति सुवः - गम् । लोकम् । न । प्रेति । अजानन् । न । सुवर्गमिति सुवः-गम् ।
लोकम् । आयन् । ते । एतम् । षट्त्रिंशद्रात्रमिति षट्त्रिंशत् - रात्रम् । अपश्यन् । तम् ।
एति । अहरन् । तेन । अयजन्त । ततः । वै । ते । सुवर्गमिति सुवः - गम् । लोकम् ।
प्रेति । अजानन् । सुवर्गमिति सुवः-गम् । लोकम् । आयन् । ये । एवम् । विद्वांसः ।
षट्त्रिंशद्रात्रमिति षट्त्रिंशत् - रात्रम् । आसते । सुवर्गमिति सुवः - गम् । एव । लोकम् । प्रेति
। जानन्ति । सुवर्गमिति सुवः - गम् । लोकम् । यन्ति । ज्योतिः । अतिरात्र इत्यति - रात्रः ।

23 TS 7.4.6.2

TS 7.4.6.2

Samhita Paata

भ॒वति॒ ज्योति॑रे॒व पु॒रस्ता॑द् द॒धते॒ सुव॑र्गस्य॒ लोक॑स्यानु॒ख्यात्यै॑ षड॒हा भ॑वन्ति॒ षट् वा ऋ॑तव॒ ऋतु॑-
ष्वे॒व प्रति॑ तिष्ठन्ति॒ चत्वारो॑ भवन्ति॒ चत॑स्रो दि॒शो दि॑क्ष्वे॒व प्रति॑ तिष्ठन्त्यस॒त्रं वा ए॒तद् यद॑छन्दो॒मं
यच्छ॑न्दो॒मा भ॑वन्ति॒ तेन॑ स॒त्रं दे॒वता॑ ए॒व पृ॒ष्ठैरव॑ रुन्धते॒ पशू॑ञ्छन्दो॒मैरोजो॑ वै वी॒र्यं॑ पृ॒ष्ठानि॑ प॒शवः॑
छन्दो॒मा ओज॑स्ये॒व - []

Pada Paata

भ॒वति॒ । ज्योति॑ः । ए॒व । पु॒रस्ता॑त् । द॒धते॒ । सुव॑र्गस्येति॒ सुवः॑ - गस्य॑ । लो॒कस्य॑ ।
अनु॑ख्यात्या॒ इत्यनु॑ - ख्या॒त्यै । षड॒हा इति॑ षट् - अ॒हाः । भ॑वन्ति॒ । षट् । वै । ऋ॑तवः ।
ऋतु॑षु । ए॒व । प्रती॑ति । तिष्ठन्ति॒ । चत्वारः॑ । भ॑वन्ति॒ । चत॑स्रः । दि॒शः । दि॑क्षु । ए॒व
। प्रती॑ति । तिष्ठन्ति॒ । अस॑त्रम् । वै । ए॒तत् । यत् । अ॒छन्दो॒ममित्य॑छन्दः - मम् । यत्
। छन्दो॒मा इति॑ छन्दः - माः । भ॑वन्ति॒ । तेन॑ । स॒त्रम् । दे॒वताः॑ । ए॒व । पृ॒ष्ठैः । अवे॑ति
। रुन्ध॑ते । प॒शून् । छन्दो॒मैरिति॑ छन्दः - मैः । ओजः॑ । वै । वी॒र्यम्॑ । पृ॒ष्ठानि॑ । प॒शवः॑
। छन्दो॒मा इति॑ छन्दः - माः । ओज॑सि । ए॒व ।

24 TS 7.4.6.3

TS 7.4.6.3

Samhita Paata

वी॒र्ये॑ पु॒शुषु॑ प्र॒ति ति॑ष्ठन्ति षट्-त्रिं॒शद् रा॒त्रो भ॑वति षट्त्रिं॒शदक्ष॑रा बृ॒हती॑ बा॒र॒ह॑ताः पु॒शवो॑ बृ॒ह॒त्यै॑व
पु॒शून्व॑ रु॒न्ध॑ते बृ॒हती॑ छ॒न्द॑साः स्वा॒रा॒ज्य॑मा॒श्रुता-श्रु॑व॒ते स्वा॒रा॒ज्यं॑ य ए॒वं वि॒द्वा॒शंसः॑ षट्त्रिं॒शद् रा॒-
त्र॑मा॒स॑ते सु॒व॒र्गमे॒व लो॒कं य॑न्त्यतिरा॒त्राव॑भितो भवतः सु॒व॒र्गस्य॑ लो॒कस्य॑ परि॒गृही॑त्यै ॥

Pada Paata

वी॒र्ये॑ । पु॒शुषु॑ । प्र॒तीति॑ । ति॒ष्ठन्ति॑ । षट्त्रिं॒शद्वा॒त्र इति॑ षट्त्रिं॒शत्-रा॒त्रः । भ॑वति । षट्त्रिं॒-
शदक्ष॑रेति षट्त्रिं॒शत्-अ॒क्षरा॑ । बृ॒हती॑ । बा॒र॒ह॑ताः । पु॒शवः॑ । बृ॒ह॒त्या । ए॒व । पु॒शून् ।
अ॒वेति॑ । रु॒न्ध॑ते । बृ॒हती॑ । छ॒न्द॑साम् । स्वा॒रा॒ज्य॑मिति॒ स्व - रा॒ज्यम् । आ॒श्रु॒त । अ॒श्रु॒व॒ते ।
स्वा॒रा॒ज्य॑मिति॒ स्व - रा॒ज्यम् । ये । ए॒वम् । वि॒द्वा॒शंसः॑ । षट्त्रिं॒शद्वा॒त्रमिति॑ षट्त्रिं॒शत् - रा॒त्रम्
। आ॒स॑ते । सु॒व॒र्गमिति॑ सु॒वः - गम् । ए॒व । लो॒कम् । य॒न्ति । अ॒तिरा॒त्रावि॑त्यति - रा॒त्रौ
। अ॒भितः॑ । भ॑वतः । सु॒व॒र्गस्येति॑ सु॒वः - गस्य॑ । लो॒कस्य॑ । परि॒गृही॑त्या इति॒ परि॑ - गृही॒त्यै ॥

25 TS 7.4.7.1

TS 7.4.7.1

Samhita Paata

वसिष्ठो ह॒तपु॑त्रोऽकामयत वि॒न्देयं॑ प्र॒जाम॒भि सा॑दा॒सान् भ॑वेयमि॒ति स ए॒तमे॑कस्मा-न्नपञ्चा॒श-म॑पश्यत्
तमाऽह॑रत् तेना॑यजत् ततो॒ वै सोऽवि॑न्दत प्र॒जाम॒भि सौ॑दा॒सान् भ॑वद्य ए॒वं वि॒द्वाश्स॑ एकस्मा-न्नपञ्चा॒शमा॑संते
वि॒न्दन्ते॑ प्र॒जाम॒भि भ्रातृ॑व्यान् भवन्ति त्रय॑स्त्रिवृ॒तोऽग्नि॑ष्टोमा भ॑वन्ति वज्र॑स्यैव मुख॑ः स॒ इय॑न्ति दशं
पञ्चद॑शा भ॑वन्ति पञ्चद॑शो वज्रो - []

Pada Paata

वसिष्ठः । ह॒तपु॑त्र इति॑ ह॒त - पु॒त्रः । अ॒का॒म॒य॒त् । वि॒न्देयं॑ । प्र॒जा॒मि॒ति प्र-जा॑म् । अ॒भी॒तिं
। सौ॑दा॒सान् । भ॑वेयम् । इति॑ । सः । ए॒तम् । ए॒क॒स्मा॒न् न॒पञ्चा॒शमि॒त्येक॑स्मात् - न॒पञ्चा॒शम्
। अ॒प॒श्य॒त् । तम् । ए॒ति । अ॒ह॒र॒त् । तेन॑ । अ॒य॒ज॒त् । ततः॑ । वै । सः । अ॒वि॒-
न्द॒त । प्र॒जा॒मि॒ति प्र-जा॑म् । अ॒भी॒तिं । सौ॑दा॒सान् । अ॒भ॒व॒त् । ये । ए॒वम् । वि॒द्वाश्सः॑ ।
ए॒क॒स्मा॒न् न॒पञ्चा॒शमि॒त्येक॑स्मात्-न॒पञ्चा॒शम् । आ॑संते । वि॒न्दन्ते॑ । प्र॒जा॒मि॒ति प्र - जा॑म् । अ॒भी॒तिं
। भ्रातृ॑व्यान् । भ॑वन्ति । त्रयः॑ । त्रि॒वृ॒त् इति॑ त्रि - वृ॒तः । अ॒ग्नि॑ष्टोमा इत्य॑ग्नि - स्तो॒माः ।
भ॑वन्ति । वज्र॑स्य । ए॒व । मुख॑म् । स॒मि॒ति । इय॑न्ति । दशं॑ । पञ्चद॑शा इति॑ पञ्च - द॒शाः
। भ॑वन्ति । पञ्चद॑श इति॑ पञ्च - द॒शः । वज्रः॑ ।

26 TS 7.4.7.2

TS 7.4.7.2

Samhita Paata

वज्रमे॒व भ्रातृ॑व्येभ्यः प्र ह॑रन्ति षोड॒शिम॑द्-द॒शम॑मह॑-र्भवति॒ वज्रं॑ ए॒व वी॒र्यं॑ दधति॒ द्वाद॑श सप्तद॒शा

भ॑वन्त्य॒न्नाद्य॑स्या व॑रु॒द्ध्या अथो॑ प्रैव तैर्जा॑यन्ते पृ॒ष्ठयः॑ षड॒हो भ॑वति षड्वा ऋ॒तवः॑ षट् पृ॒ष्ठानि॑ पृ॒ष्ठै-
रेव॑र्तून् न्वा॒रोह॑न्त्य॒तृभिः॑ स॒व॒त्स॒रं ते स॒व॒त्स॒र ए॒व प्र॑ति॒ तिष्ठ॑न्ति द्वा॒द॒शैक॑वि॒ंशा भ॑वन्ति प्र॒ति॒ष्ठित्या॑
अथो॑ रुच॑मे॒वाऽऽत्म॑न्- []

Pada Paata

वज्र॑म् । ए॒व । भ्रातृ॑व्येभ्यः । प्रेति॑ । ह॒रन्ति॑ । षोड॑शि॒मदि॑ति॒ षोड॑शि - मत् । दु॒श॒मम् । अ॒हः
। भ॒वति॑ । वज्रै॑ । ए॒व । वी॒र्य॑म् । दु॒धति॑ । द्वा॒द॒श । स॒प्तद॑शा इति॑ सप्त - दु॒शाः । भ॒वन्ति॑ ।
अ॒न्नाद्य॑स्येत्य॒न्न- अद्य॑स्य । अ॒वरु॒द्ध्या इत्य॑व॒रुद्ध्यै॑ । अथो॑ इति॑ । प्रेति॑ । ए॒व । तैः । जा॒यन्ते॑
। पृ॒ष्ठयः॑ । षड॒ह इति॑ षट् - अ॒हः । भ॒वति॑ । षट् । वै । ऋ॒तवः॑ । षट् । पृ॒ष्ठानि॑ । पृ॒ष्ठैः ।
ए॒व । ऋ॒तून् । अ॒न्वा॒रोह॑न्तीत्य॒नु-आ॑रोहन्ति । ऋ॒तुभि॑रित्य॒तु - भिः॑ । स॒व॒त्स॒रमि॑ति॒ सं - व॒त्स॒रम्
। ते । स॒व॒त्स॒र इति॑ सं - व॒त्स॒रे । ए॒व । प्र॒तीति॑ । तिष्ठ॑न्ति । द्वा॒द॒श । ए॒क॒वि॒ंशा इत्ये॑क
- वि॒ंशाः । भ॒वन्ति॑ । प्र॒ति॒ष्ठित्या॑ इति॑ प्र॒ति - स्थि॑त्यै । अथो॑ इति॑ । रुच॑म् । ए॒व । आ॒त्मन् ।

27 TS 7.4.7.3

TS 7.4.7.3

Samhita Paata

द॑धते ब॒हवः॑ षोड॑शिनो॑ भवन्ति विजि॑त्यै षड॑श्चि॒नानि॑ भवन्ति षड्वा ऋ॒तव॑ं ऋ॒तुष्वे॒व प्र॑ति॒ तिष्ठ॑न्त्यू-
नाति॑रि॒क्ता वा ए॒ता रा॒त्रय॑ ऊ॒नास्तद्-यदे॑क॒स्यै न प॑ञ्चा॒शद॒तिरि॑क्ता॒स्तद्-यद्-भू॑यसी-र॒ष्टाच॑त्वारि॒ंशत॑
ऊ॒नाच्च॑ खलु॒ वा अति॑रि॒क्ताच्च॑ प्र॒जाप॑तिः प्राजा॑यत॒ ये प्र॒जाका॑माः प॒शुका॑माः स्यु॒स्त ए॒ता आ॑सीरु॒न्

प्रैव जायन्ते प्रजयां () पशुभिर्वैराजो वा एष यज्ञो यदेकस्मान्नपञ्चाशो य एवं विद्वांसं एकस्मान्नपञ्चाशमासते विराजमेव गच्छन्त्यन्नादा भवन्त्यति-रात्रावभितो भवतोऽन्नाद्यस्य परिगृहीत्यै ॥

Pada Paata

दधते । ब्रह्मः । षोडशिनः । भवन्ति । विजित्या इति वि - जित्यै । षट् । अश्विनानि । भवन्ति । षट् । वै । ऋतवः । ऋतुषु । एव । प्रतीति । तिष्ठन्ति । ऊनातिरिक्ता इत्यून - अतिरिक्ताः । वै । एताः । रात्रयः । ऊनाः । तत् । यत् । एकस्यै । न । पञ्चाशत् । अतिरिक्ता इत्यति - रिक्ताः । तत् । यत् । भूयसीः । अष्टाचत्वारिंशत् इत्यष्टा-चत्वारिंशत् । ऊनात् । च । खलु । वै । अतिरिक्तादित्यति-रिक्तात् । च । प्रजापतिरिति प्रजा - पतिः । प्रेति । अजायत् । ये । प्रजाकामा इति प्रजा - कामाः । पशुकामा इति पशु - कामाः । स्युः । ते । एताः । आसीरन् । प्रेति । एव । जायन्ते । प्रजयेति प्र - जयां () । पशुभिरिति पशु - भिः । वैराजः । वै । एषः । यज्ञः । यत् । एकस्मान्नपञ्चाश इत्येकस्मात् - नपञ्चाशः । ये । एवम् । विद्वांसः । एकस्मान्नपञ्चाशमित्येकस्मात् - नपञ्चाशम् । आसते । विराजमिति वि - राजम् । एव । गच्छन्ति । अन्नादा इत्यन्न-अदाः । भवन्ति । अतिरात्रा-वित्यति - रात्रौ । अभितः । भवतः । अन्नाद्यस्येत्यन्न-अद्यस्य । परिगृहीत्या इति परि-गृहीत्यै ॥

28 TS 7.4.8.1

TS 7.4.8.1

Samhita Paata

संवत्सराय दीक्षिष्यमाणा एकाष्टकायां दीक्षेरन्नेषा वै संवत्सरस्य पत्नी यदेकाष्टकैतस्यां वा एष

ए॒ताऽ रा॒त्रिं व॒सति॑ सा॒क्षादे॒व सँव॒त्स॒रमा॒रभ्य॑ दीक्षन्ते आ॒र्तुं वा ए॒ते सँव॒त्स॒रस्या॒भि दीक्ष॑न्ते य
 ए॒काष्ट॑कायां दीक्षन्ते ऽन्त॑नामानावृ॒तू भ॑वतो व्य॒स्तुं वा ए॒ते सँव॒त्स॒रस्या॒भि दीक्ष॑न्ते य ए॒काष्ट॑कायां
 दीक्ष॑न्ते ऽन्त॑नामानावृ॒तू भ॑वतः फ॒ल्गुनी॑ पूर्ण॒मा॒से दीक्षे॑न् मुखं वा ए॒तथ् - []

Pada Paata

सँव॒त्स॒रायेति॑ सं - व॒त्स॒राय॑ । दी॒क्षि॒ष्यमा॑णाः । ए॒काष्ट॑कायामि॒त्येक॑ - अ॒ष्टका॑याम् । दीक्षे॑न् ।
 ए॒षा । वै । सँव॒त्स॒रस्येति॑ सं - व॒त्स॒रस्य॑ । प॒त्नी । यत् । ए॒काष्ट॑केत्येक॑-अ॒ष्टका॑ । ए॒तस्या॑म्
 । वै । ए॒षः । ए॒ताम् । रा॒त्रिम् । व॒सति॑ । सा॒क्षादि॑ति॒ स - अ॒क्षात् । ए॒व । सँव॒त्स॒रमिति॑
 सं - व॒त्स॒रम् । आ॒रभ्ये॑त्या॒ - रभ्य॑ । दीक्ष॑न्ते । आ॒र्तम् । वै । ए॒ते । सँव॒त्स॒रस्येति॑ सं
 - व॒त्स॒रस्य॑ । अ॒भीति॑ । दीक्ष॑न्ते । ये । ए॒काष्ट॑कायामि॒त्येक॑ - अ॒ष्टका॑याम् । दीक्ष॑न्ते ।
 अ॒न्त॑नामानावि॒त्यन्त॑- ना॒मानौ । ऋ॒तू इति॑ । भ॒वतः॑ । व्य॒स्तुमिति॑ वि-अ॒स्तम् । वै । ए॒ते ।
 सँव॒त्स॒रस्येति॑ सं - व॒त्स॒रस्य॑ । अ॒भीति॑ । दीक्ष॑न्ते । ये । ए॒काष्ट॑कायामि॒त्येक॑ - अ॒ष्टका॑याम् ।
 दीक्ष॑न्ते । अ॒न्त॑नामानावि॒त्यन्त॑- ना॒मानौ । ऋ॒तू इति॑ । भ॒वतः॑ । फ॒ल्गुनी॑ पूर्ण॒मा॒स इति॑ फ॒ल्गुनी॑-
 पूर्ण॒मा॒से । दीक्षे॑न् । मुखं॑ । वै । ए॒तत् ।

29 TS 7.4.8.2

TS 7.4.8.2

Samhita Paata

सँव॒त्स॒रस्य॑ यत् फ॒ल्गुनी॑ पूर्ण॒मा॒सो मुख॑त ए॒व सँव॒त्स॒रमा॒रभ्य॑ दीक्षन्ते तस्यै॒कैव॑ नि॒र्या यथ् साम्मे॑-

ध्ये वि॒षू॒वान्थ॒ स॒प॒द्य॑ते चि॒त्रा॒पूर्णा॒मा॒से दी॑क्षे॒रन् मुखं॑ वा ए॒तत् स॑व॒त्स॒रस्य॑ यच्चि॒त्रा॒पूर्णा॒मा॒सो मुख॑त
ए॒व स॑व॒त्स॒रमा॒रभ्य॑ दीक्षन्ते तस्य॑ न का च॒न नि॒र्या भ॑वति चतु॒रहे॑ पु॒रस्ता॑त् पौ॒र्ण॒मा॒स्यै दी॑क्षे॒रन्
तेषा॑मेका॒ष्टकाया॑ ऋ॒यः सं प॑द्यते तेनै॒का॒ष्टकां॑ न छ॒म्बट् कु॑र्वन्ति तेषा॑ - []

Pada Paata

स॑व॒त्स॒रस्येति॑ सं - व॒त्स॒रस्य॑ । यत् । फ॒ल्गु॒नी॒पूर्णा॒मा॒स इति॑ फ॒ल्गु॒नी॒पूर्णा॒मा॒सः । मुख॑तः ।
ए॒व । स॑व॒त्स॒रमिति॑ सं-व॒त्स॒रम् । आ॒रभ्ये॒त्या - र॒भ्य । दी॑क्षन्ते । तस्य॑ । एका॑ । ए॒व ।
नि॒र्येति॑ निः - या । यत् । सां॑मे॒ध्य इति॑ सां - मे॒ध्ये । वि॒षू॒वानिति॑ वि॒षु - वान् । स॒प॒द्य॑त
इति॑ सं - प॑द्यते । चि॒त्रा॒पूर्णा॒मा॒स इति॑ चि॒त्रा - पूर्णा॒मा॒से । दी॑क्षे॒रन् । मुख॑म् । वै । ए॒तत् ।
स॑व॒त्स॒रस्येति॑ सं - व॒त्स॒रस्य॑ । यत् । चि॒त्रा॒पूर्णा॒मा॒स इति॑ चि॒त्रा - पूर्णा॒मा॒सः । मुख॑तः । ए॒व
। स॑व॒त्स॒रमिति॑ सं - व॒त्स॒रम् । आ॒रभ्ये॒त्या - र॒भ्य । दी॑क्षन्ते । तस्य॑ । न । का । च॒न ।
नि॒र्येति॑ निः - या । भ॑वति । च॒तु॒रह इति॑ चतुः-अ॒हे । पु॒रस्ता॑त् । पौ॒र्ण॒मा॒स्या इति॑ पौ॒र्ण॒मा॒स्यै
। दी॑क्षे॒रन् । तेषा॑म् । ए॒का॒ष्टका॒यामित्ये॑क - अ॒ष्टका॒याम् । ऋ॒यः । स॒मिति॑ । प॒द्यते॑ । तेन॑
। ए॒का॒ष्टका॒मित्ये॑क-अ॒ष्टका॒म् । न । छ॒म्बट् । कु॑र्वन्ति । तेषा॑म् ।

30 TS 7.4.8.3

TS 7.4.8.3

Samhita Paata

पूर्व॒पक्षे॑ सु॒त्या सं प॑द्यते पूर्व॒पक्षं॑ मा॒सां अ॒भि सं प॑द्यन्ते ते पूर्व॒पक्ष॑ उ॒त् ति॑ष्ठन्ति तानु॒त्तिष्ठ॑न् ओष॑धयो

वनस्पतयोऽनूत् तिष्ठन्ति तान् कल्याणी कीर्तिरनूत् तिष्ठत्यराथ सुरिमे यजमाना इति तदनु सर्वे
राद्धवन्ति ॥

Pada Paata

पूर्वपक्ष इति पूर्व - पक्षे । सुत्या । समिति । पद्यते । पूर्वपक्षमिति पूर्व - पक्षम् । मासाः ।
अभि । समिति । पद्यन्ते । ते । पूर्वपक्ष इति पूर्व-पक्षे । उदिति । तिष्ठन्ति । तान् । उत्तिष्ठत्
इत्युत्-तिष्ठतः । ओषधयः । वनस्पतयः । अनु । उदिति । तिष्ठन्ति । तान् । कल्याणी ।
कीर्तिः । अनु । उदिति । तिष्ठति । अराथ्सुः । इमे । यजमानाः । इति । तत् । अन्विति
। सर्वे । राद्धवन्ति ॥

31 TS 7.4.9.1

TS 7.4.9.1

Samhita Paata

सुवर्गं वा एते लोकं यन्ति ये सत्रमुपयन्त्यभीन्धन्त एव दीक्षाभिरात्मानं श्रपयन्त उपसद्भिर्द्वाभ्यां
लोमाव द्यन्ति द्वाभ्यां त्वचं द्वाभ्यामसृद् द्वाभ्यां मांसं द्वाभ्यामस्थि द्वाभ्यां मज्जानमात्मदक्षिणं वै
सत्रमात्मानमेव दक्षिणां नीत्वा सुवर्गं लोकं यन्ति शिखामनु प्र वपन्त ऋद्ध्या अथो रघीयाः
सुवर्गं लोकमयामेति () ॥

Pada Paata

सुव॒र्गमि॑तिं सुवः - गम् । वै । ए॒ते । लो॒कम् । य॒न्ति । ये । स॒त्रम् । उ॒प॒य॒न्तीत्यु॑प - यन्ति
 । अ॒भी॒तिं । इ॒न्ध॒ते । ए॒व । दी॒क्षाभिः॑ । आ॒त्मान॑म् । श्र॒प॒य॒न्ते । उ॒प॒स॒द्भिरित्यु॑प॒सत् - भिः
 । द्वाभ्या॑म् । लो॒मं । अ॒वे॒तिं । द्य॒न्ति । द्वाभ्या॑म् । त्वच॑म् । द्वाभ्या॑म् । अ॒सृ॒त् । द्वाभ्या॑म्
 । मा॒ऽसम् । द्वाभ्या॑म् । अ॒स्थिं । द्वाभ्या॑म् । म॒ज्जान॑म् । आ॒त्मदक्षि॑ण॒मित्या॒त्म - दक्षि॑णम् ।
 वै । स॒त्रम् । आ॒त्मान॑म् । ए॒व । दक्षि॑णाम् । नी॒त्वा । सुव॒र्गमि॑तिं सुवः - गम् । लो॒कम् ।
 य॒न्ति । शि॒खा॑म् । अ॒नु॒ । प्रे॒तिं । वृ॒प॒न्ते । ऋ॒द्ध्यै॑ । अथो॑ इति॑ । रघी॑या॒ऽसः । सुव॒र्गमि॑तिं
 सुवः - गम् । लो॒कम् । अ॒या॒म् । इति॑ () ॥

32 TS 7.4.10.1

TS 7.4.10.1

Samhita Paata

ब्र॒ह्म॒वा॒दि॒नो॑ वद॒न्त्यति॑रा॒त्रः प॑र॒मो यं॑ऋ॒तूनां॑ कस्मा॒त् तं प्र॑थ॒ममु॑प॒ यन्तीत्ये॑तद्वा अ॒ग्नि॒ष्टोमं॑ प्र॑थ॒ममु॑प॒
 य॒न्त्यथो॑क्थ्य॒मथ॑ षोड॒शिन्-म॑था॒तिरा॒त्र-म॑नु॒पूर्वमे॒वैतद्-यं॑ऋ॒तूनुपे॑त्य॒ ताना॒लभ्य॑ परि॒गृह्य॑ सोम॒मेवै॑तत्
 पि॒ब॒न्त आ॑स॒ते ज्योति॑ष्टोमं प्र॑थ॒ममु॑प॒ यन्ति॑ ज्योति॑ष्टो॒मो वै स्तो॑मा॒नां मुखं॑ मुख॒त ए॒व स्तो॑मा॒न् प्र
 यु॒ञ्जते॑ ते - []

Pada Paata

ब्र॒ह्म॒वा॒दि॒न् इति॑ ब्रह्म - वा॒दि॒नः । व॒द॒न्ति । अ॒ति॒रा॒त्र इत्य॑ति॒-रा॒त्रः । प॒र॒मः । य॒ज्ञ॒ऋ॒तूना॑मि॒तिं
 य॒ज्ञ-ऋ॒तूना॑म् । कस्मा॑त् । तम् । प्र॑थ॒मम् । उ॒पे॒तिं । य॒न्ति । इति॑ । ए॒तत् । वै । अ॒ग्नि॒-

ष्टोममित्यग्नि - स्तोमम् । प्रथमम् । उपेति । यन्ति । अथ । उक्थ्यम् । अथ । षोडशिनम् । अथ । अतिरात्रमित्यति - रात्रम् । अनुपूर्वमित्यनु - पूर्वम् । एव । एतत् । यज्ञक्रतूनि ति यज्ञ - क्रतून् । उपेत्येत्युप - इत्य । तान् । आलभ्येत्या - लभ्य । परिगृह्येति परि - गृह्य । सोमम् । एव । एतत् । पिबन्तः । आसुते । ज्योतिष्टोममिति ज्योतिः - स्तोमम् । प्रथमम् । उपेति । यन्ति । ज्योतिष्टोम इति ज्योतिः - स्तोमः । वै । स्तोमानाम् । मुखम् । मुखतः । एव । स्तोमान् । प्रेति । युञ्जते । ते ।

33 TS 7.4.10.2

TS 7.4.10.2

Samhita Paata

सश्स्तुता विराजमभि सं पद्यन्ते द्वे चर्चावति रिच्येते एकया गौरतिरिक्त एकयाऽऽयुरूनः सुवर्गो वै लोको ज्योतिरूर्ग-विराट्-थसुवर्गमेव तेन लोकं यन्ति रथन्तरं दिवा भवति रथन्तरं नक्तमित्याहु- ब्रह्मवादिनः केन तदजामीति सौभरं तृतीयसवने ब्रह्मसामं बृहत् तन्मद्व्यतो दधति विधृत्यै तेनाजामि ॥

Pada Paata

सश्स्तुता इति सं - स्तुताः । विराजमिति वि - राजम् । अभि । समिति । पद्यन्ते । द्वे इति । च । ऋचौ । अतीति । रिच्येते इति । एकया । गौः । अतिरिक्त इत्यति - रिक्तः । एकया । आयुः । ऊनः । सुवर्ग इति सुवः - गः । वै । लोकः । ज्योतिः । ऊर्क् । विराडिति वि - राट् । सुवर्गमिति सुवः-गम् । एव । तेन । लोकम् । यन्ति । रथन्तरमिति रथं - तरम् । दिवा

। भवति । रथन्तरमिति रथं-तरम् । नक्तम् । इति । आहुः । ब्रह्मवादिन् इति ब्रह्म-वादिनः ।
 केन । तत् । अजामि । इति । सौभरम् । तृतीयसुवन इति तृतीय - सुवने । ब्रह्मसाममिति
 ब्रह्म - सामम् । बृहत् । तन् । मृद्ध्यतः । दुधति । विधृत्या इति वि - धृत्यै । तेन । अजामि ॥

34 TS 7.4.11.1

TS 7.4.11.1

Samhita Paata

ज्योतिष्ठोमं प्रथममुप यन्त्यस्मिन्नेव तेन लोके प्रति तिष्ठन्ति गोष्ठोमं द्वितीयमुप यन्त्यन्तरिक्ष एव
 तेन प्रति तिष्ठन्त्यायुष्ठोमं तृतीयमुप यन्त्यमुष्मिन्नेव तेन लोके प्रति तिष्ठन्तीयं वाव ज्योतिरन्तरिक्षं
 गौरसावायु-र्यदेतान्थ-स्तोमा-नुपयन्त्येष्वेव तल्लोकेषु सत्रिणः प्रति तिष्ठन्तो यन्ति ते सःस्तुता विराज
 - []

Pada Paata

ज्योतिष्ठोममिति ज्योतिः - स्तोमम् । प्रथमम् । उपेति । यन्ति । अस्मिन् । एव । तेन ।
 लोके । प्रतीति । तिष्ठन्ति । गोष्ठोममिति गो - स्तोमम् । द्वितीयम् । उपेति । यन्ति ।
 अन्तरिक्षे । एव । तेन । प्रतीति । तिष्ठन्ति । आयुष्ठोममित्यायुः - स्तामम् । तृतीयम् ।
 उपेति । यन्ति । अमुष्मिन् । एव । तेन । लोके । प्रतीति । तिष्ठन्ति । इयम् । वाव ।
 ज्योतिः । अन्तरिक्षम् । गौः । असौ । आयुः । यत् । एतान् । स्तोमान् । उपयन्तीत्युप
 - यन्ति । एषु । एव । तत् । लोकेषु । सत्रिणः । प्रतितिष्ठन्त इति प्रति - तिष्ठन्तः । यन्ति
 । ते । सःस्तुता इति सं - स्तुताः । विराजमिति वि - राजम् ।

35 TS 7.4.11.2

TS 7.4.11.2

Samhita Paata

-म॒भि संप॑द्यन्ते॒ द्वे च॑र्चाव॒तिं रि॑च्येते॒ एक॑या॒ गौर॑तिरि॒क्त एक॑याऽऽयु॑रू॒नः सु॑व॒र्गो वै लो॒को ज्योति॑रू॒र्ग-
वि॒राडूर्ज॑-मे॒वाव॑ रु॒न्धते॒ ते न क्षु॑धा ऽऽति॑मा॒च्छन्त्य॑क्षो॒धुका॑ भव॒न्ति क्षु॑त् स॒बांधा॑ इ॒व हि स॒त्रिणो॑
ऽग्नि॑ष्टो॒माव॑भि॒तः प्र॒धी तावु॑क्थ्या॒ मद्ध्यै॑ नभ्यं॒ तत् तदे॑तत् प॒रिय॑द्-दे॒वच॑क्रं॒ यदे॑तेन॑ - []

Pada Paata

अ॒भि । समि॑तिं । प॒द्यन्ते॒ । द्वे इति॑ । च॒ । ऋचौ॑ । अती॑तिं । रि॒च्येते॒ इति॑ । एक॑या ।
गौः । अति॑रि॒क्त इत्य॑ति - रि॒क्तः । एक॑या । आयुः॑ । ऊ॒नः । सु॒वर्ग॑ इति॑ सु॒वः - गः । वै
। लो॒कः । ज्योतिः॑ । ऊ॒र्क् । वि॒राडिति॑ वि - राट् । ऊ॒र्जम् । ए॒व । अवे॑तिं । रु॒न्धते॒ ।
ते । न । क्षु॑धा । आ॒र्तिम् । ए॒ति । ऋ॒च्छन्ति॑ । अक्षो॑धुकाः । भ॒वन्ति॑ । क्षु॒त्स॑म्बा॒धा इति॑
क्षु॒त् - स॒म्बा॒धाः । इ॒व । हि । स॒त्रिणः॑ । अ॒ग्नि॑ष्टो॒मावित्य॑ग्नि - स्तो॒मौ । अ॒भि॒तः । प्र॒धी इति॑
प्र - धी । तौ । उ॒क्थ्याः॑ । मद्ध्यै॑ । नभ्य॑म् । तत् । तत् । ए॒तत् । प॒रि॒यदि॑तिं परि - यत्
। दे॒वच॑क्रमि॒तिं दे॒व - च॑क्रमम् । यत् । ए॒तेन॑ ।

36 TS 7.4.11.3

TS 7.4.11.3

Samhita Paata

षड॒हेन॑ यन्ति॑ दे॒वच॑क्रमे॒व स॒मारो॑ह॒न्त्यरि॑ष्ट्यै ते स्व॒स्ति स॒मश्नु॑वते षड॒हेन॑ यन्ति॑ षड्वा ऋ॒तव॑ ऋ॒तुष्वे॒व
प्रति॑ तिष्ठन्त्यु॒भय॑तो॒ ज्योति॑षा यन्त्यु॒भय॑त ए॒व सु॒वर्गे॑ लो॒के प्र॑ति॒तिष्ठ॑न्तो यन्ति॑ द्वौ षड॒हौ भ॑वत॒स्तानि॑
द्वा॒द॒शा॒हा॒नि सं प॑द्यन्ते द्वा॒द॒शो वै पु॑रु॒षो द्वे स॒क्थ्यौ॑ द्वौ बा॒हू आ॒त्मा च॑ शि॒रश्च॑ च॒त्वार्य॑ङ्गा॒नि स्तनौ॑
द्वा॒द॒शौ - []

Pada Paata

षड॒हेनेति॑ षट् - अ॒हेन॑ । यन्ति॑ । दे॒वच॑क्रमि॒ति दे॒वच॑क्रम् । ए॒व । स॒मारो॑ह॒न्तीति॑ सं - आ॒रोह॑न्ति
। अ॒रि॑ष्ट्यै । ते । स्व॒स्ति । स॒मि॒ति । अ॒श्नु॑व॒ते । षड॒हेनेति॑ षट् - अ॒हेन॑ । यन्ति॑ । षट् । वै
। ऋ॒तव॑ः । ऋ॒तुषु॑ । ए॒व । प्र॒तीति॑ । तिष्ठ॑न्ति । उ॒भय॑तो॒ज्योति॑षे॒त्यु॒भय॑तः-ज्यो॒तिषा॑ । यन्ति॑
। उ॒भय॑तः । ए॒व । सु॒वर्ग॑ इति॑ सु॒वः - गे । लो॒के । प्र॑ति॒तिष्ठ॑न्त॒ इति॑ प्र॒ति-तिष्ठ॑न्तः । यन्ति॑
। द्वौ । षड॒हा॒वि॒ति षट्-अ॒हौ । भ॑व॒तः । तानि॑ । द्वा॒द॒श । अ॒हा॒नि । स॒मि॒ति । प॑द्यन्ते ।
द्वा॒द॒शः । वै । पु॑रु॒षः । द्वे इति॑ । स॒क्थ्यौ॑ । द्वौ । बा॒हू इति॑ । आ॒त्मा । च॑ । शि॒रः । च॑
। च॒त्वारि॑ । अ॒ङ्गा॒नि । स्तनौ॑ । द्वा॒द॒शौ ।

37 TS 7.4.11.4

TS 7.4.11.4

Samhita Paata

तत् पुरुषमनु पर्यावर्तन्ते त्रयः षडहा भवन्ति तान्यष्टादशाहानि सं पद्यन्ते नवान्यानि नवान्यानि नव
वै पुरुषे प्राणास्तत् प्राणाननु पर्यावर्तन्ते चत्वारः षडहा भवन्ति तानि चतुर्विंशतिरहानि सं पद्यन्ते
चतुर्विंशतिरर्द्धमासाः सँवत्सरस्तथ सँवत्सरमनु पर्यावर्तन्ते ऽप्रतिष्ठितः सँवत्सर इति खलु वा
आहुर्वर्षीयान् प्रतिष्ठाया इत्येतावद्वै () सँवत्सरस्य ब्राह्मणं यावन्मासो मासिमास्येव प्रतितिष्ठन्तो
यन्ति ॥

Pada Paata

तत् । पुरुषम् । अन्विति । पर्यावर्तन्त इति परि - आवर्तन्ते । त्रयः । षडहा इति षट् - अहाः
। भवन्ति । तानि । अष्टादशेत्यष्टा - दश । अहानि । समिति । पद्यन्ते । नव । अन्यानि ।
नव । अन्यानि । नव । वै । पुरुषे । प्राणा इति प्र - अनाः । तत् । प्राणानिति प्र-अनान् ।
अन्विति । पर्यावर्तन्त इति परि - आवर्तन्ते । चत्वारः । षडहा इति षट्- अहाः । भवन्ति ।
तानि । चतुर्विंशतिरिति चतुः-विंशतिः । अहानि । समिति । पद्यन्ते । चतुर्विंशतिरिति चतुः
- विंशतिः । अर्द्धमासा इत्यर्द्ध - मासाः । सँवत्सर इति सं - वत्सरः । तत् । सँवत्सरमिति
सं - वत्सरम् । अन्विति । पर्यावर्तन्त इति परि - आवर्तन्ते । अप्रतिष्ठित इत्यप्रति - स्थितः
। सँवत्सर इति सं - वत्सरः । इति । खलु । वै । आहुः । वर्षीयान् । प्रतिष्ठाया इति
प्रति - स्थायाः । इति । एतावत् । वै () । सँवत्सरस्येति सं - वत्सरस्य । ब्राह्मणम् । या-
वत् । मासः । मासिमासीति मासि - मासि । एव । प्रतितिष्ठन्त इति प्रति - तिष्ठन्तः । यन्ति ॥

38 TS 7.4.12.1

TS 7.4.12.1

Samhita Paata

मेषस्त्वां पचतैरवतु लोहितग्रीवः छागैः शल्मलिर्वृद्ध्यां पूर्णो ब्रह्मणा प्लक्षो मेधेन न्यग्रोधश्चमसैरुदुम्बरं
ऊर्जा गायत्री छन्दोभिस्त्रिवृत् स्तोमैरवन्तीः स्थावन्तीस्त्वाऽवन्तु प्रियं त्वां प्रियाणां वरषिष्ठमाप्यानां
निधीनां त्वां निधिपतिः हवामहे वसो मम ॥

Pada Paata

मेषः । त्वा । पचतैः । अवतु । लोहितग्रीव इति लोहित - ग्रीवः । छागैः । शल्मलिः
। वृद्ध्यां । पूर्णः । ब्रह्मणा । प्लक्षः । मेधेन । न्यग्रोधः । चमसैः । उदुम्बरः । ऊर्जा
। गायत्री । छन्दोभिरिति छन्दः - भिः । त्रिवृदिति त्रि - वृत् । स्तोमैः । अवन्तीः । स्थ
। अवन्तीः । त्वा । अवन्तु । प्रियम् । त्वा । प्रियाणाम् । वरषिष्ठम् । आप्यानाम् ।
निधीनामिति नि - धीनाम् । त्वा । निधिपतिमिति निधि - पतिम् । हवामहे । वसो इति । मम ॥

39 TS 7.4.13.1

TS 7.4.13.1

Samhita Paata

कूप्या॑भ्यः स्वाहा॑ कूल्या॑भ्यः स्वाहा॑ विक॒र्या॑भ्यः स्वाहा॑ ऽव॒ट्या॑भ्यः स्वाहा॑ ख॒न्या॑भ्यः स्वाहा॑ ह॒द्या॑-
भ्यः स्वाहा॑ सू॒द्या॑भ्यः स्वाहा॑ सर॒स्या॑भ्यः स्वाहा॑ वै॒श॒न्ती॑भ्यः स्वाहा॑ प॒ल्व॒ल्या॑भ्यः स्वाहा॑ व॒र्ष्या॑भ्यः
स्वाहा॑ ऽव॒र्ष्या॑भ्यः स्वाहा॑ ह्रा॒दुनी॑भ्यः स्वाहा॑ पृ॒ष्वा॑भ्यः स्वाहा॑ स्य॒न्द॒माना॑भ्यः स्वाहा॑ स्था॒व॒रा॑भ्यः
स्वाहा॑ ना॒देयी॑भ्यः स्वाहा॑ सै॒न्ध॒वी॑भ्यः स्वाहा॑ स॒मु॒द्रिया॑भ्यः स्वाहा॑ सर्वा॑भ्यः स्वाहा॑ ॥

Pada Paata

कूप्या॑भ्यः । स्वाहा॑ । कूल्या॑भ्यः । स्वाहा॑ । वि॒क॒र्या॑भ्य इति॑ वि - क॒र्या॑भ्यः । स्वाहा॑ ।
अ॒व॒ट्या॑भ्यः । स्वाहा॑ । ख॒न्या॑भ्यः । स्वाहा॑ । ह॒द्या॑भ्यः । स्वाहा॑ । सू॒द्या॑भ्यः । स्वाहा॑ ।
सर॒स्या॑भ्यः । स्वाहा॑ । वै॒श॒न्ती॑भ्यः । स्वाहा॑ । प॒ल्व॒ल्या॑भ्यः । स्वाहा॑ । व॒र्ष्या॑भ्यः । स्वाहा॑ ।
। अ॒व॒र्ष्या॑भ्यः । स्वाहा॑ । ह्रा॒दुनी॑भ्य इति॑ ह्रा॒दुनि॑ - भ्यः । स्वाहा॑ । पृ॒ष्वा॑भ्यः । स्वाहा॑ ।
स्य॒न्द॒माना॑भ्यः । स्वाहा॑ । स्था॒व॒रा॑भ्यः । स्वाहा॑ । ना॒देयी॑भ्यः । स्वाहा॑ । सै॒न्ध॒वी॑भ्यः ।
स्वाहा॑ । स॒मु॒द्रिया॑भ्यः । स्वाहा॑ । सर्वा॑भ्यः । स्वाहा॑ ॥

40 TS 7.4.14.1

TS 7.4.14.1

Samhita Paata

अ॒द्भ्यः स्वाहा॑ व॒ह॒न्ती॑भ्यः स्वाहा॑ परि॒व॒ह॒न्ती॑भ्यः स्वाहा॑ स॒मु॒न्तं॑ व॒ह॒न्ती॑भ्यः स्वाहा॑ शी॒घ्रं॑ व॒ह॒न्ती॑-
भ्यः स्वाहा॑ शी॒भं॑ व॒ह॒न्ती॑भ्यः स्वाहा॑ शी॒घ्रं॑ व॒ह॒न्ती॑भ्यः स्वाहा॑ भी॒मं॑ व॒ह॒न्ती॑भ्यः स्वाहा॑ ऽम्भो॑भ्यः स्वाहा॑
न॒भो॑भ्यः स्वाहा॑ म॒हो॑भ्यः स्वाहा॑ सर्व॑स्मै स्वाहा॑ ॥

Pada Paata

अ॒द्भ्य इत्य॑त् - भ्यः । स्वाहा॑ । वह॑न्तीभ्यः । स्वाहा॑ । प॒रिव॑हन्तीभ्य इति॑ परि - वह॑न्तीभ्यः । स्वाहा॑ । स॒म॒न्तमि॑ति सं-अ॒न्तम् । वह॑न्तीभ्यः । स्वाहा॑ । शीघ्र॑म् । वह॑न्तीभ्यः । स्वाहा॑ । शीम॑म् । वह॑न्तीभ्यः । स्वाहा॑ । उ॒ग्रम् । वह॑न्तीभ्यः । स्वाहा॑ । भी॒मम् । वह॑न्तीभ्यः । स्वाहा॑ । अ॒म्भो॑भ्य इत्य॑म्भः-भ्यः । स्वाहा॑ । न॒भो॑भ्य इति॑ नभः - भ्यः । स्वाहा॑ । म॒हो॑भ्य इति॑ महः - भ्यः । स्वाहा॑ । स॒र्वस्मै॑ । स्वाहा॑ ॥

41 TS 7.4.15.1**TS 7.4.15.1****Samhita Paata**

यो अ॒र्वन्तुं॑ जिघा॑सति॒ तम॑भ्यमीति॒ वरु॑णः ॥ प॒रो म॑र्तः प॒रः श्वा ॥ अ॒हं च॒ त्वं च॑ वृ॒त्रह॑न्त्सं
ब॒भूव॑ स॒निभ्य॑ आ । अ॒रा॒ती॒वा चि॑द॒द्रिवोऽनु॑ नौ शूर॑ म॒शस॑तै भ॒द्रा इन्द्र॑स्य रा॒तयः॑ ॥ अ॒भि क्र॑त्वेन्द्र
भूर॑ध॒ ज्मन्न॑ ते वि॒व्यङ्ग॑हि॒मानः॑ रजा॑सि । स्वेना॒ हि वृ॒त्रश् श॑वसा ज॒घन्थ॑ न शत्रु॑रन्त॑ वि॒विद॑द् () यु॒धा ते॑ ॥

Pada Paata

यः । अ॒र्वन्त॑म् । जिघा॑सति । तम् । अ॒भीति॑ । अ॒मीति॑ । वरु॑णः ॥ प॒रः । म॑र्तः । प॒रः

। श्वा ॥ अ॒हम् । च॒ । त्वम् । च॒ । वृ॒त्रह॒न्निति॑ वृ॒त्र - ह॒न् । समि॑तिं । ब॒भूव॒ । स॒निभ्य॒
 इति॑ स॒नि - भ्यः॒ । आ ॥ अ॒रा॒ती॒वा । चि॒त् । अ॒द्रि॒व॒ इत्य॑द्रि - वः॒ । अ॒न्वि॑तिं । नौ॒ । शू॒र
 । म॒स्र॒स॒तै॒ । भ॒द्राः । इ॒न्द्र॑स्य । रा॒तयः॑ ॥ अ॒भी॑तिं । कृ॒त्वा॑ । इ॒न्द्र॒ । भूः । अध॑ । ज॒मन्
 । न । ते॒ । वि॒व्य॒क् । म॒हि॒मान॑म् । र॒जा॑सि ॥ स्वे॒न॑ । हि॒ । वृ॒त्रम् । श॒व॑सा । ज॒घ॒न्थ
 । न । श॒त्रुः । अ॒न्त॑म् । वि॒वि॒दु॒त् () । यु॒धा । ते॒ ॥

42 TS 7.4.16.1

TS 7.4.16.1

Samhita Paata

नमो॑ रा॒ज्ञे नमो॑ वरु॑णाय॒ नमो॑ऽअ॒श्वाय॒ नमः॑ प्र॒जाप॑तये॒ नमो॑ऽधि॒पत॑ये॒ ऽधि॒पति॑र॒स्यधि॑पतिं॒ मा कु॑र्वधि॒-
 पति॑र॒हं प्र॒जाना॑ भू॒यासु॑ मां धे॒हि मयि॑ धे॒ह्युपा॑कृ॒ताय॒ स्वाहा॑ ऽऽल॑ब्धाय॒ स्वाहा॑ हु॒ताय॒ स्वाहा॑ ॥

Pada Paata

नमः॑ । रा॒ज्ञे । नमः॑ । वरु॑णाय॒ नमः॑ । अ॒श्वाय॒ नमः॑ । प्र॒जाप॑तये॒ इति॑ प्र॒जा - प॒तये॑ ।
 नमः॑ । अधि॑पतये॒ इत्यधि॑ - प॒तये॑ । अधि॑पति॒रित्यधि॑ - प॒तिः । अ॒सि॒ । अधि॑पति॒मित्यधि॑ -
 प॒तिम् । मा॒ । कुरु॑ । अधि॑पति॒रित्यधि॑ - प॒तिः । अ॒हम् । प्र॒जाना॑मिति॒ प्र - जाना॑म् । भू॒यासु॑म्
 । माम् । धे॒हि । मयि॑ । धे॒हि । उ॒पाकृ॑तायेत्यु॒प - आकृ॑ताय॒ स्वाहा॑ । आल॑ब्धायेत्या -
 ल॒ब्धाय॒ स्वाहा॑ । हु॒ताय॑ । स्वाहा॑ ॥

43 TS 7.4.17.1

TS 7.4.17.1

Samhita Paata

म॒यो॒भूर्वा॑तो॒ अ॒भि वा॑त॒स्त्रा ऊ॒र्ज॑स्वती॒रोष॑धी॒रा रि॑शन्तां । पी॒वंस्व॑तीर्जी॒वध॑न्याः पिबन्त्वव॒साय॑ प॒द्वते॑
रु॒द्र मृ॑ड ॥ याः स॒रूपा॑ वि॒रूपा॑ ए॒करू॑पा॒ यासा॑म॒ग्नि॑रिष्ट्या॒ नामा॑नि॒ वेद॑ । या अ॒ङ्गिर॑स॒स्तप॑से॒ह
च॒क्रु॒स्ताभ्यः॑ प॒र्जन्य॑ महि॒ शर्म॑ यच्छ ॥ या दे॒वेषु॑ त॒नुव॑मैर॒यन्त॑ यासा॑ः सोमो॒ विश्वा॑ रू॒पाणि॑ वेद॑
। ता अ॒स्मभ्य॑ प॒यसा॑ पि॒न्वमा॑नाः प्र॒जाव॑तीरिन्द्र - []

Pada Paata

म॒यो॒भूर्वा॑ति॒ मयः॑ - भूः । वा॒तः । अ॒भीति॑ । वा॒तु । उ॒स्त्राः । ऊ॒र्ज॑स्वतीः । ओष॑धीः । ए॒ति
। रि॒शन्ता॑म् ॥ पी॒वंस्व॑तीः । जी॒वध॑न्या॒ इति॑ जी॒व - ध॑न्याः । पि॒बन्तु॑ । अ॒वसा॑य । प॒द्वत॑
इति॑ प॒त् - व॑ते । रु॒द्र । मृ॑ड ॥ याः । स॒रूपा॑ इति॑ स - रू॒पाः । वि॒रूपा॑ इति॑ वि - रू॒पाः
। ए॒करू॑पा॒ इत्ये॒क-रू॒पाः । यासा॑म् । अ॒ग्निः । इ॒ष्ट्या॑ । नामा॑नि । वेद॑ ॥ याः । अ॒ङ्गिर॑सः
। तप॑सा । इ॒ह । च॒क्रुः । ताभ्यः॑ । प॒र्जन्य॑ । महि॑ । शर्म॑ । य॒च्छ ॥ याः । दे॒वेषु॑ ।
त॒नुव॑म् । ऐ॒रय॑न्त । यासा॑म् । सोमः॑ । विश्वा॑ । रू॒पाणि॑ । वेद॑ ॥ ताः । अ॒स्मभ्य॑मित्य॒स्म
- भ्य॑म् । प॒यसा॑ । पि॒न्वमा॑नाः । प्र॒जाव॑तीरिति॑ प्र॒जा - व॑तीः । इन्द्र॑ ।

44 TS 7.4.17.2

TS 7.4.17.2

Samhita Paata

गोष्ठे रिरीहि ॥ प्रजापतिर्मह्यमेता रराणो विश्वेदेवैः पितृभिः संविदानः । शिवाः सतीरुप नो गो-
ष्ठमाऽकस्तासां वयं प्रजया सः सदेम ॥ इह धृतिः स्वाहेह विधृतिः स्वाहेह रन्तिः स्वाहेह रमतिः
स्वाहा महीम् षु१ सुत्रामाणं२ ॥

Pada Paata

गोष्ठ इति गो - स्थे । रिरीहि ॥ प्रजापतिरिति प्रजा-पतिः । मह्यम् । एताः । रराणः । विश्वेः
। देवैः । पितृभिरिति पितृ - भिः । संविदान इति सं - विदानः ॥ शिवाः । सतीः । उपेति
। नः । गोष्ठमिति गो - स्थम् । एति । अकः । तासाम् । वयम् । प्रजयेति प्र-जया ।
समिति । सदेम् ॥ इह । धृतिः । स्वाहा । इह । विधृतिरिति वि - धृतिः । स्वाहा । इह
। रन्तिः । स्वाहा । इह । रमतिः । स्वाहा । महीम् । उ । स्विति । सुत्रामाणमिति सु -
त्रामाणम् ॥

45 TS 7.4.18.1

TS 7.4.18.1

Samhita Paata

कि॒ः स्वि॑दासीत् पूर्व॑चित्तिः कि॒ः स्वि॑दासीद्-बृ॒हद्वयः॑ । कि॒ः स्वि॑दासीत् पि॒शङ्गि॒ला कि॒ः स्वि॑दा-
सीत् पि॒लिप्पि॒ला ॥ द्यौ॑रासीत् पूर्व॑चित्तिरश्व॑ आसीद् बृ॒हद्वयः॑ । रा॒त्रि॒रासीत् पि॒शङ्गि॒ला ऽवि॑रासीत्
पि॒लिप्पि॒ला ॥ कः॑ स्वि॑देका॒की च॑रति॒ क उ॑ स्वि॒ज्जाय॑ते पुनः॑ । कि॒ः स्वि॑द्धि॒मस्य॑ भे॒षजं॑ कि॒ः
स्वि॑दा॒वप॑नं म॒हत् ॥ सू॒र्य॑ एका॒की च॑रति - []

Pada Paata

किम् । स्वि॒त् । आ॒सीत् । पूर्व॑चित्तिरिति॑ पूर्व - चित्तिः । किम् । स्वि॒त् । आ॒सीत् । बृ॒हत्
। वयः॑ ॥ किम् । स्वि॒त् । आ॒सीत् । पि॒शङ्गि॒ला । किम् । स्वि॒त् । आ॒सीत् । पि॒लिप्पि॒ला
॥ द्यौः । आ॒सीत् । पूर्व॑चित्तिरिति॑ पूर्व - चित्तिः । अश्वः॑ । आ॒सीत् । बृ॒हत् । वयः॑ ॥
रा॒त्रिः । आ॒सीत् । पि॒शङ्गि॒ला । अ॒विः । आ॒सीत् । पि॒लिप्पि॒ला ॥ कः । स्वि॒त् । एका॒की
। च॑रति॒ । कः । उ॑ । स्वि॒त् । जा॒यते॑ । पुनः॑ ॥ किम् । स्वि॒त् । हि॒मस्य॑ । भे॒षजम् ।
किम् । स्वि॒त् । आ॒वप॑नमित्या॑ - वप॑नम् । म॒हत् ॥ सू॒र्यः । एका॒की । च॑रति॒ ।

46 TS 7.4.18.2

TS 7.4.18.2

Samhita Paata

च॒न्द्रमा॑ जायते॑ पुनः॑ । अ॒ग्नि॒र् हि॒मस्य॑ भे॒षजं॑ भूमि॑रा॒वप॑नं म॒हत् ॥ पृ॒च्छामि॑ त्वा॒ पर॑म॒न्तं पृ॒थि॒व्याः
पृ॒च्छामि॑ त्वा॒ भुव॑नस्य॒ नाभिं॑ । पृ॒च्छामि॑ त्वा॒ वृ॒ष्णो अश्व॑स्य॒ रेतः॑ पृ॒च्छामि॑ वा॒चः प॑र॒मं व्यो॑म
॥ वेदि॑माहुः॒ पर॑म॒न्तं पृ॒थि॒व्या य॒ज्ञमा॑हु॒ भुव॑नस्य॒ नाभिं॑ । सोम॑माहुर्वृ॒ष्णो अश्व॑स्य॒ रेतो॑ ब्रह्मै॒व वा॒चः

पर॑मं॒ व्यो॑म ॥

Pada Paata

च॒न्द्रमाः॑ । जा॒य॒ते । पु॒नः ॥ अ॒ग्निः । हि॒मस्य॑ । भे॒ष॒जम् । भू॒मिः । आ॒व॒प॒न॒मित्या॑ - व॒प॒नम् ।
 । म॒हत् ॥ पृ॒च्छामि॑ । त्वा । प॒रम् । अ॒न्तम् । पृ॒थि॒व्याः । पृ॒च्छामि॑ । त्वा । भु॒व॒न॒स्य ।
 । नाभि॑म् ॥ पृ॒च्छामि॑ । त्वा । वृ॒ष्णः । अ॒श्व॒स्य । रे॒तः । पृ॒च्छामि॑ । वा॒चः । प॒र॒मम् ।
 व्यो॑मेति॒ वि - ओम् ॥ वे॒दि॑म् । आ॒हुः । प॒रम् । अ॒न्तम् । पृ॒थि॒व्याः । य॒ज्ञम् । आ॒हुः ।
 भु॒व॒न॒स्य । नाभि॑म् ॥ सो॒मम् । आ॒हुः । वृ॒ष्णः । अ॒श्व॒स्य । रे॒तः । ब्र॒ह्म । ए॒व । वा॒चः ।
 । प॒र॒मम् । व्यो॑मेति॒ वि - ओम् ॥

47 TS 7.4.19.1

TS 7.4.19.1

Samhita Paata

अ॒बे॑ अ॒बा॒ल्यं॑ बि॒के॒ न मा॑ न॒यति॑ कश्च॒न । स॒स॒स्त्य॑श्च॒कः ॥ सु॒भ॒गे का॑पी॒ल॒वा॒सि॒नि सु॒व॒र्गे लो॒के सं
 प्रो॒र्ण॒वा॑ । आ॒ऽह॒म॒जा॒नि गर्भ॑ध॒मा त्व॒म॒जा॒सि गर्भ॑धं ॥ तौ स॒ह च॒तु॒रः प॒दः सं प्र सा॑र॒या॒व॒है ॥ वृ॒षा
 वा॒ रे॒तो॒धा रे॒तो द॒धातू॑श्च॒ स॒क्थ्यो॑र्गृ॒दं धै॒ह्य॒ञ्जि॒मु॒द॒ञ्जि॒मन्व॑ज । यः स्त्री॒णां जी॒व॒भो॒ज॒नो य आ॑सां - [

Pada Paata

अ॒बें । अ॒म्बा॒लि । अ॒म्बि॒के । न । मा॒ । न॒य॒ति । कः । च॒न ॥ स॒स॒स्ति॑ । अ॒श्व॒कः ॥
 सु॒भ॒ग॒ इति॑ सु - भ॒गे । का॒म्पी॒ल॒वा॒सि॒नीति॑ का॒म्पी॒ल - वा॒सि॒नि । सु॒व॒र्ग॒ इति॑ सु॒वः-गे । लो॒के
 । स॒म् । प्रेति॑ । ऊ॒र्ण॒वा॒थाम् ॥ एति॑ । अ॒ह॒म् । अ॒जा॒नि । गु॒र्भ॒ध॒मि॒ति॑ गर्भ - ध॒म् । एति॑ ।
 त्व॒म् । अ॒जा॒सि । गु॒र्भ॒ध॒मि॒ति॑ गर्भ - ध॒म् ॥ तौ । स॒ह । च॒तु॒रः । प॒दः । स॒म् । प्रेति॑ ।
 सा॒र॒या॒व॒है ॥ वृ॒षा॑ । वा॒म् । रे॒तो॒धा इति॑ रे॒तः - धाः । रे॒तः । दु॒धा॒तु । उ॒दि॒ति॑ । स॒क्थ्योः॑
 । गृ॒द॒म् । धे॒हि । अ॒ञ्जि॒म् । उ॒द॒ञ्जि॒मित्यु॒त्-अ॒ञ्जि॒म् । अ॒न्वि॒ति॑ । अ॒ज॒ ॥ यः । स्त्री॒णा॒म् ।
 जी॒व॒भो॒ज॒न॒ इति॑ जी॒व - भो॒ज॒नः । यः । आ॒सा॒म् ।

48 TS 7.4.19.2

TS 7.4.19.2

Samhita Paata

बि॒ल॒धा॒व॒नः । प्रि॒यः स्त्री॒णा॒म॒पी॒च्यः ॥ य आ॒सां कृ॒ष्णे लक्ष्म॑णि॒ स॒र्दि॒गृ॒दिं पु॒रा॒व॒धीत् ॥ अ॒बें
 अ॒बा॒ल्यं॒बि॒के न मा॑ य॒भति॑ कश्च॒न । स॒स॒स्त्य॑श्च॒कः ॥ ऊ॒र्द्धा॒-मे॒ना॒मु॒च्छ्र॑य॒ताद्-वे॒णु॒भा॒रं गि॒रा॒वि॒व
 । अ॒था॑स्या॒ म॒द्भ्य॑मे॒ध॒ताः शी॒ते वा॒ते पु॒न॒न्नि॒व ॥ अ॒बें अ॒बा॒ल्यं॒बि॒के न मा॑ य॒भति॑ कश्च॒न ।
 स॒स॒स्त्य॑श्च॒कः ॥ य॒द्वरि॑णी॒ य॒व॒म॒त्ति॒ न - []

Pada Paata

बि॒ल॒धा॒व॒न॒ इति॑ बि॒ल - धा॒व॒नः ॥ प्रि॒यः । स्त्री॒णा॒म् । अ॒पी॒च्यः ॥ यः । आ॒सा॒म् । कृ॒ष्णे

। लक्ष्मणि । सर्दिगृदिम् । पुरावंधीदिति परा - अवंधीत् ॥ अम्बै । अम्बालि । अम्बिके । न । मा । यभति । कः । चन ॥ ससस्ति । अश्वकः ॥ ऊर्ध्वाम् । एनाम् । उदिति । श्रयतात् । वेणुभारमिति वेणु-भारम् । गिरौ । इव ॥ अथ । अस्याः । म-
द्वयम् । एधताम् । शीते । वाते । पुनन् । इव ॥ अम्बै । अम्बालि । अम्बिके । न । मा । यभति । कः । चन ॥ ससस्ति । अश्वकः ॥ यत् । हरिणी । यवम् । अति । न ।

49 TS 7.4.19.3

TS 7.4.19.3

Samhita Paata

पुष्टं पशु मन्यते । शूद्रा यदर्यजारा न पोषाय धनायति ॥ अर्बे अर्बाल्यर्बिके न मा यभति कश्चन । ससस्त्यश्वकः ॥ इयं युका शकुन्तिका ऽऽहलमिति सर्पति । आहतं गुभे पसो नि जल्लुलीति धाणिका ॥ अर्बे अर्बाल्यर्बिके न मा यभति कश्चन । ससस्त्यश्वकः ॥ माता च ते पिता च तेऽग्रं वृक्षस्य रोहतः () ।

Pada Paata

पुष्टम् । पशु । मन्यते ॥ शूद्रा । यत् । अर्यजारेत्यर्य - जारा । न । पोषाय । धनायति ॥ अम्बै । अम्बालि । अम्बिके । न । मा । यभति । कः । चन ॥ ससस्ति । अश्वकः ॥ इयम् । युका । शकुन्तिका । आहलमित्या-हलम् । इति । सर्पति ॥ आहतमित्या-हतम् । गुभे । पसः । नीति । जल्लुलीति । धाणिका ॥ अम्बै । अम्बालि । अम्बिके । न । मा ।

। यु॒भ॒ति॒ । कः॑ । च॒न ॥ सु॒स॒स्ति॑ । अ॒श्व॒कः॑ ॥ मा॒ता । च॒ । ते॒ । पि॒ता । च॒ । ते॒ ।
अग्र॑म् । वृ॒क्ष॒स्य॑ । रो॒ह॒तः॑ () ॥

50 TS 7.4.19.4

TS 7.4.19.4

Samhita Paata

प्र सु॒ला॒मी॒तिं॑ ते पि॒ता गु॒भे मु॒ष्टि॒म॒त॒स्य॑त् ॥ दु॒धि॒क्राव॑.ण्णो अ॒कारि॑षं जि॒ष्णो॒रश्व॑स्य वा॒जिनः॑ ।
सु॒र॒भि नो॒ मुखा॑ क॒र्त् प्र॒ण आयू॑षि ता॒रिष॑त् ॥ आपो॑ हि ष्ठा म॒यो॒भुव॑स्ता न ऊ॒र्जे द॑धात॒न ।
म॒हे॒र॒णाय॑ चक्ष॑से ॥ यो वः॑ शि॒वत॑मो रस॒स्तस्य॑ भाज॒यते॑ह नः॑ । उ॒श॒ती॒रि॒व मा॒तरः॑ ॥ तस्मा॑ अ॒रं
गमा॑म वो यस्य॒ क्षया॑य जि॒न्व॑न्थ () । आपो॑ जु॒नय॑था च नः॑ ॥

Pada Paata

प्रे॒तिं । सु॒ला॒मि॒ । इति॑ । ते॒ । पि॒ता । गु॒भे । मु॒ष्टिम् । अ॒त॒स्य॑त् ॥ दु॒धि॒क्राव॑.ण्ण इति॑
दधि॒-क्राव॑.ण्णः । अ॒का॒रि॒षम् । जि॒ष्णोः॑ । अ॒श्व॑स्य । वा॒जिनः॑ ॥ सु॒र॒भि । नः॑ । मुखा॑ ।
क॒र्त् । प्रे॒तिं । नः॑ । आयू॑षि । ता॒रिष॑त् ॥ आपः॑ । हि । स्थ । म॒यो॒भुव॑ इति॑ मयः -
भुवः॑ । ताः॑ । नः॑ । ऊ॒र्जे । दु॒धा॒त॒न ॥ म॒हे । र॒णाय॑ । चक्ष॑से ॥ यः॑ । वः॑ । शि॒वत॑म
इति॑ शि॒व - त॒मः॑ । रसः॑ । तस्य॑ । भाज॒यत् । इ॒ह । नः॑ ॥ उ॒श॒तीः॑ । इ॒व । मा॒तरः॑ ॥ त-
स्मै॑ । अ॒रम् । गु॒मा॒म् । वः॑ । यस्य॑ । क्षया॑य । जि॒न्व॑न्थ () ॥ आपः॑ । जु॒नय॑थ । च॒ । नः॑ ॥

51 TS 7.4.20.1

TS 7.4.20.1

Samhita Paata

भूर्भुवः सुवर्वसवस्त्वा ऽञ्जन्तु गायत्रेण छन्दसा रुद्रास्त्वा ऽञ्जन्तु त्रैष्टुभेन छन्दसा, ऽऽदित्यास्त्वा-
 "ऽञ्जन्तु जागतेन छन्दसा यद्वातो अपो अगमदिन्द्रस्य तनुव प्रियां । एतः स्तोतरेतेन पथा
 पुनरश्चमा वर्तयासि नः ॥ लाजी(3)ञ्छाची(3)न् यशो ममा(4) । यव्यायै गव्याया एतद्देवा
 अन्नमत्तैतदन्नमद्वि प्रजापते ॥ युञ्जन्ति ब्रह्म ()-मरुषं चरन्तं परि तस्थुषः । रोचन्ते रोचना दिवि
 ॥ युञ्जन्त्यस्य काम्या हरी विपक्षसा रथे । शोणा धृष्णू नृवाहसा ॥ केतुं कृण्वन्नकेतवे पेशो
 मर्या अपेशसै । समुषद्भिरजायथाः ॥

Pada Paata

भूः । भुवः । सुवः । वसवः । त्वा । अञ्जन्तु । गायत्रेण । छन्दसा । रुद्राः । त्वा ।
 अञ्जन्तु । त्रैष्टुभेन । छन्दसा । आदित्याः । त्वा । अञ्जन्तु । जागतेन । छन्दसा । यत्
 । वातः । अपः । अगमत् । इन्द्रस्य । तनुवम् । प्रियाम् ॥ एतम् । स्तोतः । एतेन
 । पथा । पुनः । अश्चम् । एति । वर्तयासि । नः ॥ लाजी(3)न् । शाची(3)न् । यशः
 । ममा(4)म् ॥ यव्यायै । गव्यायै । एतत् । देवाः । अन्नम् । अत्त । एतत् । अन्नम्
 । अद्वि । प्रजापत इति प्रजा - पते ॥ युञ्जन्ति । ब्रह्म () । अरुषम् । चरन्तम् ।
 परीति । तस्थुषः ॥ रोचन्ते । रोचना । दिवि ॥ युञ्जन्ति । अस्य । काम्या । हरी इति ।
 विपक्षसेति वि - पक्षसा । रथे ॥ शोणा । धृष्णू इति । नृवाहसेति नृ-वाहसा ॥ केतुम् । कृण्व-
 न्न । अकेतवे । पेशः । मर्याः । अपेशसै ॥ समिति । उषद्भिरित्युषत् - भिः । अजायथाः ॥

52 TS 7.4.21.1

TS 7.4.21.1

Samhita Paata

प्रा॒णाय॑ स्वाहा॑ व्या॒नाय॑ स्वाहा॑ ऽपा॒नाय॑ स्वाहा॑ स्ना॒व॑भ्यः स्वाहा॑ संता॒नेभ्यः॑ स्वाहा॑ परि॑स॒न्ताने॑भ्यः
स्वाहा॑ पर्व॑भ्यः स्वाहा॑ सु॒धा॒नै॑भ्यः स्वाहा॑ शरी॑रेभ्यः स्वाहा॑ य॒ज्ञाय॑ स्वाहा॑ दक्षि॑णाभ्यः स्वाहा॑ सुव॒र्गाय॑
स्वाहा॑ लो॒काय॑ स्वाहा॑ सर्व॑स्मै स्वाहा॑ ॥

Pada Paata

प्रा॒णाय॑येति॑ प्र - अ॒नाय॑ । स्वाहा॑ । व्या॒नाय॑येति॑ वि - अ॒नाय॑ । स्वाहा॑ । अ॒पा॒नाय॑येत्य॑प - अ॒-
नाय॑ । स्वाहा॑ । स्ना॒व॑भ्य इति॑ स्ना॒व॑ - भ्यः । स्वाहा॑ । स॒न्ता॒नेभ्य॑ इति॑ सं - ता॒नेभ्यः ।
स्वाहा॑ । परि॑स॒न्ता॒नेभ्य॑ इति॑ परि॑ - स॒न्ता॒नेभ्यः । स्वाहा॑ । पर्व॑भ्य इति॑ पर्व॑-भ्यः । स्वाहा॑ ।
सु॒धा॒नै॑भ्य इति॑ सं - धा॒नै॑भ्यः । स्वाहा॑ । शरी॑रेभ्यः । स्वाहा॑ । य॒ज्ञाय॑ । स्वाहा॑ । दक्षि॑-
णाभ्यः । स्वाहा॑ । सुव॒र्गायेति॑ सुवः - गाय॑ । स्वाहा॑ । लो॒काय॑ । स्वाहा॑ । सर्व॑स्मै । स्वाहा॑ ॥

53 TS 7.4.22.1

TS 7.4.22.1

Samhita Paata

सि॒ताय॑ स्वाहा॑ ऽसि॑ताय॑ स्वाहा॑ ऽभि॒हि॒ताय॑ स्वाहा॑ ऽन॑भि॒हि॒ताय॑ स्वाहा॑ यु॒क्ताय॑ स्वाहा॑ ऽयु॑क्ताय॑

स्वाहा सुयुक्ताय स्वाहो -द्युक्ताय स्वाहा विमुक्ताय स्वाहा प्रमुक्ताय स्वाहा वञ्चते स्वाहा परिवञ्चते
स्वाहा संवञ्चते स्वाहा अनुवञ्चते स्वाहोद् -वञ्चते स्वाहा यते स्वाहा धावते स्वाहा तिष्ठते स्वाहा
सर्वस्मै स्वाहा ॥

Pada Paata

सिताय । स्वाहा । असिताय । स्वाहा । अभिहितायेत्यभि - हिताय । स्वाहा । अनभिहि-
तायेत्यनभि - हिताय । स्वाहा । युक्ताय । स्वाहा । अयुक्ताय । स्वाहा । सुयुक्तायेति सु -
युक्ताय । स्वाहा । उद्युक्तायेत्युत् - युक्ताय । स्वाहा । विमुक्तायेति वि - मुक्ताय । स्वाहा ।
प्रमुक्तायेति प्र - मुक्ताय । स्वाहा । वञ्चते । स्वाहा । परिवञ्चत इति परि - वञ्चते । स्वाहा ।
संवञ्चत इति सं - वञ्चते । स्वाहा । अनुवञ्चत इत्यनु - वञ्चते । स्वाहा । उद्वञ्चत इत्युत्-वञ्चते
। स्वाहा । यते । स्वाहा । धावते । स्वाहा । तिष्ठते । स्वाहा । सर्वस्मै । स्वाहा ॥